


# KUSIMPIKIZIGWA

## KWA KUTUMWA

 Kwalo inga mwa kkala. Kuli, Ndali bwezedwe kapati, ku kuteelela bumboni, mane Nda luba kulanganya bbunga. Kkomana loko kuba kokuno sunumasiku mu mulimo wa Mwami, kusika kuswaana Mukwesu O'Donnell. Elyo Nda kali kulangilila ceeci, kupa zitondezyo ezyo ku basinkematwi a basyataambi.

<sup>2</sup> Elyo mukwesu wakali kundaambila, mulindu busiku bumwi oyo wakali mu whiluceya, oyo waka jisi kkulenge pati ali nguwe, mbuli *boobo*, kuti waa kaponesegwa kapati kusikila waa kali kuzwa mu whiluceya, kkulenge lyamana, alimwi kuba buyo a ciindi cibotu. Elyo Nda kali lumbide kapati kuli ceeco.

<sup>3</sup> Ncibotu kuba kokuno sunumasiku, Mukwesu O'Donnell, a ku mbunga eyi mbotu ya bantu. Kutala okuno ku . . .

<sup>4</sup> Sa oyu ngu Tempe na Mesa? [Ii mukwesu waamba, "Tempe."—Mul.] Tempe. Tempe. Elyo lino ya kakomena yoonse, aboobo, koonse kuno, kuzwa ciindi ni Nda kali mu cisi eci, kutandila myaka ili makumi otatwe ayosanwe yakainda, mane Nse kaziba busena limbi.

<sup>5</sup> Elyo ncibotu loko kuba mu ng'anda ya Mwami. Mbuli Mbwe kali kunjila, ii—ii musimbi muniini wakaima alya, uli ngu Muka O'Donnell muniini, a—a muniini. . . basimbi bobilo bambi baniini, nkabela bakali kwaambaula kuli ndime ku mulyango. Elyo—elyo Nda kati, "Ba ndaambila kuti ciyo tontola sunumasiku okuno." Nda ti, "Nobaba musanza mutandila kutontola mbuli caanda kunselelo okuno." Aboobo mpawo mulindu umbi muniini wakalanga kuli umwi umbi, kati, ee, waa kali kuzwa ku Iowa, elyo umwi umbi wakati waa kali kuzwa ku Minnesota. Elyo Nda kati . . .

<sup>6</sup> Kakutanaba eco, Nda kati, "Cindi ni Nda kazwa ku ng'anda yakali kkumi ayone kungsi lya ziro." Oyu musimbi muniini kuzwa ku Iowa, na Minnesota, umwi, wakati, ee, yakali makumi osanwe ayobile kungsi cindi na kazwa. Kaboola kujana kuti, Nda kali muna musanza. Makumi osanwe ayobile kungsi lya ziro. Inga twa cijana eco mu cisi cangu, ni twa kafwa mpeyo ncobeni. Fifite tuu kungsi, oko ubaanga kulatontola, embo na, ula tontola obo?

<sup>7</sup> Lino, twa langanya eci kuba coolwe cipati kuba kokuno a ndinywe, sunumasiku, ciindi eci ca luswaanano kakutanaba buyo muswaangano mupati wa Bantu Basimakwebo. Nkokuti, muswaangano mupati uyo talika oyu Bwane uboola, kunselelo ku Ramada. Uli Kujwe lya Van Buren Street. Elyo twa mutamba ncobeni nyoonse kumusanza. Kuyooba bamwi basikukanana

babotu mu muswaangano wabaiminizi. Elyo Mukwesu Velmer Gardner nguumwi Ngwe zyi, elyo mpawo Ndi yeeya kuti bali jisi bamwi basimakwebo abo bayo kanana. Elyo Nda—Nda syoma Jim Brown wakali umwi wabo, a Mwii. Reed, alimwi, mubwini, Mukwesu Rose lyoonse nkwali, Mukwesu Osteen uuzwa ku Texas.

<sup>8</sup> Elyo aboobo Ndili masimpe muyooba a ciindi cibotu mu kuboola kunselelo kuya. Tuli boteledwe ncobeni, ku kulindila muswaangano oyu mupati. Amusyome kuti ciyooba mbuli mbo cakabede ciindi cimbi, cipati maningi buyo. Elyo amuyeeye, kwa kaboola omwe, kaboola boonse. Bantubonse baka tambwa.

<sup>9</sup> Elyo mpawo, ikuti na nduyando lwa Mwami, Ndi yeeya kuti Ndi jisi ciindi ciniini cibikke ambali kuti bayo ndilekela kusola kukanana alubo ku—ku kalimbabula mu Mujibelo cifumo, Nda yeeya, a muswaangano Munsondo masikati, nko kuti, ikuti na Mwami wayanda. Elyo aboobo Nda langanya eco kuba coolwe cipati, kwiima a baalumi abo bapati a—a kupa bumboni ku Mwami, nkambo ka Mwami, mubwini.

<sup>10</sup> Elyo Nda komba kuti Leza uyo leleka Mukwesu O'Donnell okuno, a nkamu eyi mbotu ya Banakristo awa, abo beenda, kabalindila Mwami. Nkambo, nincobeni, tuli basikwendeenda. Tuli bamuzwamasi a beenzu. Oyu tauli muunzi wesu. “Pele tu yandaula Munzi oyo wa Muyasi a Sikupanga ngu Leza.” Elyo tuli basikukkala buyo. Ta tuli. . . Oyu tauli muunzi wesu. Twa kazwaa kwiinda mu nzila eyi. Elyo cipa coolwe cipati boobo.

<sup>11</sup> Ndiza ikuti na Nda bikka eci kuzunguluka nzila *eyi*, mukwesu. [Mukwesu Branham wabamba maikrofooni—Mul.] Cipa coolwe cili boobo. Sa eco ncibotu? Uh-huh.

<sup>12</sup> Ncoolwe cipati kuba kokuno, ku bikka mu ciindi eci ca luswaanano a ndinywe Banakristo babotu. Elyo cindi Ne kamvwa kuti Nda kapegwa coolwe ca bantu aba bandeene, abo mabungano aka jisi, kali kundilekela kukanana muli mbabo, kakutanaba buyo muswaangano mupati, Nda kayeeya, “Nciindi cibotuloko kutondezya kulumba kwesu ku nzila tubunga otu twandeene kabelekela antoomwe mu ziindi zyakainda, mu mamissioni angu koonse ku inyika; i Assemblisi ya Leza, Foosikkweya, ya Jesus Name, i Mbungano ya Leza, a banji, a balyeendelezya koonse ku nyika, boonse babo kaba njila mbuli omwe, a ku bulemu bwa Leza.” Elyo Leza wakali kucita zintu zimwi zipati akati kabo, nkabela tuli lumbide. Elyo mpawo kujokela oko nko tukonzya kutondezya miyeeyo yesu—yesu a luswaanano lwesu.

<sup>13</sup> Elyo mbuli Mbwe kali kubalulula masiku ainda, okuno mu Fellowship Tabernacle oko nko twa kajisi kuswaangana; elyo Nda kajisi mweenzuma mudaala, Mukwesu Bosworth. Bunji bwanu mula muyeeya Mukwesu Bosworth. Elyo wa

kali kundaambila, wa kati, “Mukwesu Branham, ulizi kuti luswaanano ninzi?”

Nda kati, “Ndi yeeya boobo, Mukwesu Bosworth.”

<sup>14</sup> Kati, “Balo mbalombwana bobilo mu bwaato bomwe.” Aboobo, iyyi, wa kajisi gano lya kudana. Elyo lyoonse Nda kayanda eco, “Balombwana bobilo mu bwaato bomwe.” Aboobo, lyoonse, ngubo ila vumba aniini kugwasya mulombwana umwi, nywebo mulizi, nkabela eco cili kabotu loko.

<sup>15</sup> Lino, Ndi syoma ncobeni kuti muyo ndikombela. Elyo Mebo, eci sunu, Nda tuma mwana wangu kaindi kaina kubona ikuti na kwakali muntu uli oonse oyo wakali kuyanda kukombelwa. Nse kaboola ncobeni kuba a miswaangano ya kuponya, buyo ku, oh, ku kanana. Kufumbwa muntu ulizi kuti Nseli mukambausi, oyo wakasola kundi mvwa. Pele Nse jisi lwiyo, alimwi Nse konzyi kukambauka. Pele kanji Ndi—Ndi kombela balwazi. Elyo—elyo kuboola, kanji bantu bala bungana ku kombelwa. Mubwini, kuli bantu banji baciswa maningi. Pele Munsondo tii Nda kaamba cintu kujatikizya ncico, nkaambo inga Nda ita bantu kuzwa ku mabungano amwi, kuboola ku mabungano aya amwi Nge keelede kuba Munsondo, ku kombelwa, elyo Nda kayeeya kuti inga canyonganya mabungano amwi, aboobo Nda kacileka buyo cilikke.

<sup>16</sup> Lino, busiku bwainda Nda kaambilizya kuti sunumasiku inga twa kombela balwazi atala awa. Elyo ikuti na Leza wayanda, ndiza tuyo masiku juunza na masiku atobela, bumwi, kukombela balwazi alubo. Aboobo Ndi syoma kuti ciyooba kabotu, kuti Mwami uyo ponya bantubonse bali cisidwe okuno sunumasiku.

<sup>17</sup> Elyo Nda mwaambila, mweenzuma wangu muyandisi, kwiinda zintu zyoonse Nze syoma kuti kuciswa kwa cibi kula ponesegwa sunumasiku. Mwabona? Ikuti na Mwami waku ponya malwazi anu, antela muyo cita, ikuti na mwapona ciindi cili coonse, muyo ciswa alubo. Mwabona? Pele Buumi Butamani nceeco nco tu yandaula aboobo, mbo mbubo, nkambo eco—eco nce cisilisyo cini. Elyo Nda syoma ikuti na kuli umwi awa utali musyomi muli Kristo, uyooba musyomi sunumasiku.

<sup>18</sup> Elyo ikuti na uli waano nkabela tona zyalululwa, na kutambula Muuya Uusalala, kazulwa Muuya Uusalala, Ndi syoma kuti obu buyooba busiku obo buya kucitika.

<sup>19</sup> Ikuti na nduwe sikuwa, Nda syoma kuti Mwami Jesu uyo cita cintucimwi cini loko sunumasiku, kuli ndinywe awa, a kukasaazya—kukasaazya moyo wanu munzila ili boobo, amu joke buyo ku luswaanano Lwakwe alubo, nkaambo Ula lindila a maboko atandabikide, kailindila.

<sup>20</sup> Nda kakambauka myaka imwi yakainda aa nkambauko niini ciindi cimwi, okuya ku Angelus Temple, cindi niba kajisi jubbili ya pentekoste, myaka ili makumi osanwe ya jubbili. Nda

yeeya busiku butaanzi, kuti Nda kakambauka aa busalali, omo Mwe syoma. Elyo tii Nda kanza, pele, nywebo mulizi, kutenda buyo bantu, elyo nzila bantu mboba kazwa ku pentekoste ntaanzi. Mbuli cindi, matalikilo mataanzi, cindi Muuya Uusalala niwakawa, obo balo bantu mbo bakapona buumi, eco nco bakacita, myaka ili makumi osanwe yakainda!

<sup>21</sup> Nda kati, “Oh, twa boola lweendo lulamfu. Tu jisi tubunga tupati kuzwa eelyo, mayake mapati mabotu, a bakambausi bakalondolwa kapati.” Nda kati, “Ndalibuzya ikuti na tu cijisi cilongezyo ca pentekoste nco twa kajisi kaindi?” Mwabona? Mwabona? Nda kati, “Kwakali kuba, bacizi besu—besu bakali kusika ku mbungano, akali mause kuli umwi wabo kuba a masusu mafwaafwi, kulipenta, na cintucimwi mbuli ceeco. Pele, kuti, baka baanga balesya micinjili kubusena bumwi.”

<sup>22</sup> Elyo aboobo kwakali mweenzuma wangu, oyo, walo mukwesu muna pentekoste awalo, alimwi bunji bwanu inga mwa muziba. Zina lyakwe ngu William Booth-Clibborn. Ee, bunji bwanu muli muzi.

<sup>23</sup> Elyo Mukwesu Booth mweenzuma wangu wamunsi, biyo ta tuzuminani a njiisyo, nkaambo ngu sikuli ii—ii sikuyeeya muna Calvin kusikila wa yeeya kwiindilila ndime. Aboobo Ndi konzya buyo kuyeeya mbuli muna Calvin kufumbwa kuti uukkede mu Bbaibbele. Mwabona? Elyo mpawo cindi cazwa awo, ca kaindilila kuyeeya kwangu; Nse konzyi kuyeeya limbi.

<sup>24</sup> Aboobo Nda kamubona aa cibumbili. Aboobo cindi ni twa keenda kuzwa aa cibumbili, wa kandi swaana okuya, elyo wa kandilanga. Wa kati, “Tsk, tsk, tsk, tsk, tsk. Mause kuli nduwe. Mulumbe wa tulaolao uli boobo. Wa kalizi kabotu kwiinda boobo.” Wa kandi zapaula buyo koonse, nywebo mulizi.

<sup>25</sup> Elyo buzuba bwakacilila Nda kakambauka aa *I Kabelele A Nziba*. Alimwi aboobo waka uleleka nconzyo, mulumbe muniini wakaindi wakapasaukide. Elyo cindi Ne kazwa, wa kali kupukuta meso akwe, nywebo mulizi. Wa kati, “Cakali cibotu, pele cuubauba loko.” Mubombe loko! Nda kati... “Cakali kabotu,” kati, “pele mubombe loko.” Wa kali loko... Ula konzya kukambauka mu myaambo ili ciloba, nywebo mulizi, aboobo mubandi wangu muniini wa Kentucky wakali mubombe loko kuli nguwe oko ziyanza zyangu zibotu nkozya taka mu guma, ali onse, nywebo mwabona.

<sup>26</sup> Aboobo eyo nje nzila Nje elede kwaambaula: mubombe. Nda syoma kuti Makanimabotu nga bubombe. I Bbaibbele lyakati, “Ncitate loko cakuti mufubafuba taelede kuleya.” Mwabona? Aboobo buyo—buyo koonse nkoelede kucita nkuyeeya ABC. Nywebo mulizi eco nco ciiminina? Lyoonse Amusyome Kristo. Nku koonse nkoelede kucita. Eco cila cibamba. ABC, alimwi uli yiide kumaninina, kuciimo mbuli Mbwe langanya.

27 Aboobo, lino, kuli bantu baimvwi, nkabela Nda cilumba. Elyo lino Nse boola ku—ku kambauka. Ndiyo kombela balwazi. Pele, kujana ntalisyo niini, kwaambaula aa Magwalo.

28 Ndi yeeya kuti Nda baanga ndali kambauka lwangu, cifumo cimwi, kuli ya Mukwesu Fuller. Nda ita Life Tabernacle, na cintucimwi. [Ii mukwesu waamba, “Faith Tabernacle.”—Mul.] Faith Tabernacle, Ndi yeeya kuti Nda kabajata busiku bumwi. Ka Ndi tana kusika ku mbungano, mweembeli na muntuumwi waka ndituma ijwi, kati, “Yawe, bantu aba bayanda kuya ku bulo masiku.” Aboobo Nse kambauki kanji ku maora ali cisambomwe na lusele, aboobo Nse siki kuli ceeco. Aboobo, kuli wa Mukwesu Outlaw, busiku bumwi, Nda kayeeya kuti uyo tandila kundi kwela kuzwa mu cikambaukilo. Aboobo ncibotu Nda ndaubweza cakuliiba sunumasiku, atala awa, nkabela nobamwi mwaza kule loko.

29 Lino, ncibotu kuba kokuno. Elyo katutana kuboola ku Ijwi lino, atu kanane kuli Mukamwini.

30 Muntu umwi wakati, kutali ciindi cilamfu cakainda, Nda kali ku Fort Wayne Gospel Tabernacle, B. E. Rediger. Wa kali muntu mulemu wa Leza, oyo wakafwa myaka yakainda, kuti Mwami wakalongezya ncobeni mukwesu oyo. Wa kali muntu singuzo wa lusyomo. Nda kali mulombe muniini, Nda kali kukkala a Paul Rader okuya, a mukutausi buyo muniini.

31 Elyo mpawo mwana musimbi wa Mukwesu Rediger waka sweekelwa mizeezo yakwe, wa kasondoka. Buzuba bumwi waa kali kusule mu ciyobwedo cangu ca malasha kunselelo kuya, aa cifumo cimwi ca Pasika. Elyo baka ndaambila kuti, “Musimbi umwi usondokede, kusule kuya mu mbungano.” Elyo Nda kazwa calino mu muswaangano wanguzu. Nda kajokela okuya, a kujana kuti wakali mwana musimbi wa B. E. Rediger, a Mucizi Rediger, kakkede awo. Moyo wangu uyanda kundi kakilwa.

32 Elyo waa kaliimvwi alya, kasakula masusu akwe mabotu malamfu ku tunwe twakwe, kaongolola, “Kkobili ndi kkobili. Sheleni ndi sheleni.” Mwanakazi mukubusyi mubotu. Kuciindi . . .

33 Kafugama ansi alya, akuti, “Mwami Jesu, koba siluse kuli nguwe.” Eco cakali ncico. Uli kwete alimwi uli jisi bana bobile na botatwe lino, kabotu buyo. Mwabona? Elyo luzyalo luli boobo, a lubombe.

34 Tu—tu langa buyo kulaale a kusika atala Lyakwe, cakusyomeka, kusola kujana eco ciluleme muni loko kuli ndiswe mbuli boobo. Swebo, cabuubauba buyo; syoma; amube a lusyomo; muta zumbauzyi.

35 Nda kajisi muswaangano okuya. Nda luba mukwesu wa Pentekoste oyo ubbadelwa ku cikombelo lino. Elyo Nda kajisi muswaangano okuya. Elyo kwakali lwiimbo olu, *Syoma Buyo*, lwaka lembwa a Paul Rader. Elyo wa kali Munakristo mubotu

a mutumwa mupati wa buzuba bwakwe. Nda kali kkede mu kaanda kaniini kakubalila. Elyo bakali kwiimba, kuli ndime kusika ku cibumbili, kwiinda kuli ceeco; eco nco bajisi, koonse ku inyika. Elyo Nda—Nda kali kkede alya, a kuziba kuti moonya mu kwiiya oko nkukonya nko nkuko Paulo nkwa kajana bunanike bwa kulemba lwiimbo. Elyo mpaawa caka njila, *Syoma Buyo*. Oh, eco cuumpa buyo moyo wangu!

<sup>36</sup> Kuswaangana nikwa kamana, kwakali zintu zisyoonto zipati Mwami wesu Jesu nzya kacita mu muswaangano. Nda kajokela okuya, ku lubazu lwa busena, nkabela ndakali kulindila.

Elyo kwakali muntu wakasika. Wa kati, “Ba. Branham?”

Elyo Nda kati, “Iiyi, munene.”

<sup>37</sup> Wa kati, “Nda yanda kukumvwa kokanana, pele,” kati, “bwaambe bwako bwa cisyoobo buli bubi loko.”

Nda kati, “Iiyi, munene. Ndi lizi obo.”

Wa kati, “Yebo waamba zimwi zintu zimvugwa kabotu.”

<sup>38</sup> Nda kati, “Iiyi, munene. Mbo mbubo.” Nda kati, “Nse kajana coolwe ca kujana lwiiyo.” Nda kati, “Kabuka mu mukwasyi wa bazyali bali kkumi. Bazyali bacete, nkabela Nda kacita kuunka kuyo beleka cakufwambaana, kugwasya mukwasyi oyu. Nse kajana noluba lwiiyi lwaku cikolo lwa bwaambe bubobu.”

Wa kati, “Eco tacili ntamizyo lino. Uli muntu.”

<sup>39</sup> Nda kati, “Ee, Ndili pakasizye loko ku mulimo wa Mwami lino, Nse jisi coolwe.”

<sup>40</sup> Kati, “Nekuba, noka bweza kwiiya kwa kutumina.” Kati, “Lino, kupa mukozanyo, sunumasiku, kubusena okuya, wa kati, ‘Nyoonse nobantu nomuzwa mu cikambaukilo eci.’”

<sup>41</sup> Nda kati, “Ee?” Nse kazi lwandaano luli loonse. Nda kati, “Sa eco tacili obo mbwabede?”

<sup>42</sup> “Nee ncobeni.” Waamba, “We elede kwaamba kuti ‘cikambaukilo.’” Nda kati. . . Wa kati, “Yebo. . .”

<sup>43</sup> Nda kati, “Ee, yaa.” Kwalo ncintucimwi Nce takaamba kabotu, na cintucimwi.

Wa kati, “Ee, tozyi buyo Bbaibbele lyako.”

<sup>44</sup> Nda kati, “Ee, eco—eco inga caba boobo, pele Ndi lizi Mukamwini kabotu loko.” Nda kati, “Nce ncico.”

<sup>45</sup> Nywebo mulizi, Ta lyaambi kuti, “Ku ziba Bbuku Lyakwe.” Pele, “Ku Mu ziba Mbuumi.” Mwabona? Saatani ulizi Ijwi Lyakwe. Pele, “Ku Mu ziba, Mukamwini wa Ijwi,” mwabona.

<sup>46</sup> Atu kotamike mitwe yesu lino kuciindi notu kanana kuli Nguwe mu nzila yesu ibombede. Lino, a mitwe yesu kiikoteme, myoyo yesu, a njiyo, sa kuli nkumbizyo nsalensale eyo njo yanda kuti tu kwiibaluke? Tambika janza lyako kuli Leza. Buyo mu moyo wako jatilila nkumbizyo yako, kwaamba, “Mwami, Ndi

yandikana lufutuko. Ndi yandikana kuponesegwa. Ndi—Ndi yandikana cintucimwi.” Leza uyo mvwisya.

<sup>47</sup> Taata wesu Wakujulu, mbuli mbo tuswena ku Busyu Bwako busalala sunumasiku, mu Zina lya Mwami Jesu, twa kaboola mu Zina Lyakwe nkaambo Wa kati, kuti, “Ikuti na mwalomba Taata cili coonse mu Zina Lyangu, Ndiyo cicita.” Lino, tu lizi kuti ta tukonzyi kuboola mu zina lyesu lini. Ta tukonzyi kuboola mu zina lya mbungano yesu, mu zina lya mweembeli wesu, na mu zina lya kabunga kesu, a kulangila kumvugwa. Pele tu jisi kaanzambwene kakuti na twa boola mu Zina lya Mwami Jesu, kuti Wa ka tusyomezya kuti tuyo mvugwa.

<sup>48</sup> Elyo Nda komba, sunumasiku, Taata Wakujulu, kuti mbuli mbo twa bungana okuno mu cikombelo eci ciniini oyo wakatuulwa ku mulimo Wako, oyo mulanda Wako, Mukwesu wesu O’Donnell, uli mukusololela ku ciindi eci, kweembela mbelele ezyo zyeenda mu cibeela eci ca cisi, Nda lomba zilongezyo Zyako aa mweembeli oyu alimwi aa mukwasyi wakwe, aa mbungano a mbelele zyoonse zikwempa awa ku macelelo.

<sup>49</sup> Nda kombela mbungano yoonse eyo iimininwa okuno, ku bantu boonse. Elyo kuli baabo batali Banakristo Nda komba kuti sunumasiku bayooba Banakristo. Nda kombela basimakwebo bali kokuno, Mukwesu Rose, Mukwesu Williams, a bamwi banji, ku muswaangano mupati uboola kumusanza okuya. Kutu, oku kukopanya kuniini kwa mazuba aya masyoonto kulanduka Phoenix, a Tempe, aba Sunnyslopes, amu cisi conse okuno, kuyooba kaambo ka Banakristo banji babweza kujata kupya, basikuwa banji kaba jokela kuli Leza, basizibi banji kaba boola kuli Kristo, baciswa banji bala ponesegwa. Ko cipa, Taata.

<sup>50</sup> Kanana kwiinda muli ndiswe, kwiinda mu Ijwi sunumasiku, Bwini. “Ijwi Lyako Mbwini.” Ponya balwazi boonse a bapengede, nkambo kunyama a kumuuya. Aya maanza aunka mujulu ajisi kubula, Mwami, elyo Nda komba kuti Uyo bapa koonse oko sunumasiku, kwiinda muli Jesu Kristo, Mwami wesu. Ameni.

<sup>51</sup> Lino, bunji bwanu mula yanda kubala Magwalo a bamwi abo bakabala. Ndi yanda kubala mu masena obile sunumasiku. Cimwi cazyo cijanwa muli Marko, cipati 16, alimwi tuyo talikila aa kampango ka 14. Elyo imbi ijanwa mu Musalali Johane. Na, Ndi yeeya kuti mpe mpawo Mpe kalemba. Andi bone, lutaanzi. Iiyi. Musalali Johane 14:12 mpempawo Lugwalo lwabili. Elyo lino mu Musalali Marko, cipati 11 a kutalikila kampango ka 14. Elyo Musalali Johane 14:12. Lino tu yanda kuswiilila kabotu ku kubala, nkaambo Ijwi lya Leza nde ndilyo ndyo tu yanda kumvwa. Lutaanzi, Marko 16.

*Elyo na kamana kulibonya kuli bali kkumi aumwi  
mbuli mbo bakakkede kabalya, nkabela wakaba tapatila*

*i ku kutasyoma a buyumu bwa moyo, nkaambo tiiba kabasyoma abo baka mu bona na kabuka.*

*Elyo wa kabaambila kuti, Kamuya mu inyika yoonse, akuyo kambauka Makanimabotu ku bantu boonse.*

*Oyo uya kusyoma a kubbizigwa uyo futulwa; pele oyo uuta kasyomi uyo zulwa.*

*Elyo zitondezyo ezi ziyo batobela abo basyoma; Mu zina lyangu bayo tanda madaimona; bayo amba mu myaambo mipya;*

*Bayo bweza nzoka; elyo ikuti na bakanywe cintu cikola, ta cika bakoli; bayo bikka maanza aa balwazi, . . . bayo pona.*

*Aboobo. . . Mwami naka mana kubaambila, wa katambulwa ku julu, a kukkala ku janza lya lulyo ilya Leza.*

*Elyo bakaunka, akuyo kambauka koonse, Mwami kabeleka a mbabo, kasimpikizya ijwi a zitondezyo kazitobela. Amen.*

52 Johane 14:12, Jesu kakanana.

*Ncobeni, ncobeni, Nda mwaambila, Oyo usyoma ndime, milimo Nje cita uyo icita awalo; a milimo mipati kwiinda eyi uyo icita; nkaambo Nda inka kuli Taata wangu.*

53 Ndi—Ndi yanda kubweza ku cibalo, ikuti na Mwami wayanda, aa *Kusimpikizigwa Kwa Kutumwa*, mbuli cibalo, a kukanana buyo. Ndi jisi Magwalo masyoonto a bulembo bulembwe, eco inga catu gwasya antomwe. Lino: *Kusimpikizigwa Kwa Kutumwa.*

54 Lino, Ndi yeeya kuti kufumbwa cintu ceelede kusimpikizigwa. Ikuti na wayaka ng'anda, inga yayakwe kweendelana ku mbaakani, nape inga teeba zwidilizya kuti ng'anda yakayakwa pe; elyo inga wayandika kwiimwaya, akwii yakulula.

55 Elyo Ndi yeeya kuti, akwalo, ikuti na wali kuselemuka mugwagwa, alimwi, na aanze ku ncito yako, nkabela umwi inga weenda kuli nduwe a kwaamba, “Ndili silumanba mupati wa United States. Nda kubikka lino kungsi lya kwaanga, mu zina lya ofesi lyangu.” Lino, uli jisi nguzu zya kwaamba ku muntu oyo. . .

56 Ikuti na wa mulanga, usamide unifoomu, a bbaaji kiisumidwe aunifoomu yakwe. Nekubaboobo eyo tii mubambi kuba silumamba mupati mu United States. Kufumbwa lweeno inga lwasama eco. Inga waula bbaaji kutala kuno, kutandila, mu cintoole ca teeni seenti. Koya kusambalilwa madikimunwa kuli konse akuula unifoomu, na cimwi. Eco tacimu bambi kuba silumamba mupati mu United States.



<sup>57</sup> Kulizibya mwini, we elede kuba a mapepa akwe a cinamatizyo ali mbabo, kuti atondezwe kaambo kakwe kuti ngu upshaw wa United States. Na, tali cintu kusikila wa simpikizigwa kuba boobo. Wa kasimpikizya kutumwa kwakwe, alimwi ula cicita kwiinda ku kaambo ka kanamatikidwe, kuzibya kwamuloa, kutondezwa kuti oyu muntu wakonkezegwa. Elyo wa kali. . . Kutumwa kwakwe kwa kanamatikwa a caando ca United States, elyo mpawo atala lya zina lyakwe. Elyo eco ci mubamba mpawo, naa uli jisi bbaaji, na uli jisi unifoomu, kufumbwa kuti ka bwezede pepa eli, ngu upshaw, nkabela oko nkutumwa kwakwe. Bbaaji buyo a unifoomu tai kabeleki.

<sup>58</sup> Tu jana kuti, ziindi zinji loko, mu mpi. Nda kamvwa bakwesu bangu a bunji bwa baabo bakali ku masi aambi. Kutu, ziindi zinji, ba Japanizi abana German, a masi ambi amuzwakule ayo akali kutu lwana mu lumamba, ikuti na bakali kukonzya kubweza silumamba uufwide, mpawo kubweza umwi wa basilumamba babo oyo unifoomu nja kalino mweelela, baa, na kakonzya kukkopela silumamba muna America. Elyo wa keelede kulizibya kabotu, nape niba taka syoma unifoomu yakwe na ndiza impa yakwe nja kajisi mu nsingo yakwe. Wa keelede kulizibya kuti wa kali silumamba muna America, nkaambo wakali kukonzya kuba mubombe. Sikutwela uli onse inga wai sama unifoomu ya United States.

<sup>59</sup> Elyo tu jana kuti mu bweende boonse bwa buumi. Tu jana kuti, sunu, ndiza mu kagwagwa. Tu mvwa bantu banji baamba kuti mbana America.

<sup>60</sup> Elyo okuno ciindi cimwi cainda, kuzwa kuli Silutwe wampi eyo yakaliko ku Jeffersonville, Nda kali kweenda cifumo cimwi, mu lweendo lwa kulingula. Elyo kwakali ii—ii mulombwana waka samide kabotu keenda kuselemuka kagwagwa, mundundu mupati loko ku mulomo wakwe, mubelesi wa mfulumende. Elyo wa kandilanga, kuseeni maningi, nkesamide magilazi aambi. Nda kati, “Wabuka kabotu, munene.”

Wa kandilanga, akuti, “Huh!” Katalika kweenda.

<sup>61</sup> Lino, Nda kayeeya kuli lwangu, Nse ka. . . ta ndeelede kwaamba cintu, pele mu moyo wangu, ta kali muna America ncobeni, nkaambo milazyo ya America tai simpidwe aa zintu zili boobo. Yaa. Luswaanano, a kulekela, kukanzila kubotu.

<sup>62</sup> Elyo lino, nywebo mwabona, boonse bapona mu America tabali bana America. Kuli basikutwela, bana kkomunizimu, a zintuzyonse zimbi. Elyo nzila biyo njo bakonzya kuzibwa ncobeni, naa bali luleme na pe, nkwiinda ku nzila yabo mubwini, eco cili mukati ka mbabo, naa moyo wabo uli mu America na ka peesi kabo. Mwabona?

<sup>63</sup> Ciya mbuli mbo cibede. Kufumbwa silweeno ula konzya—konzya kuba azeezi zitegwa nzyeelelo, ka citali cintu cinicini.

64 Ako nkekaambo Nce syoma kuti boonse baboola munzila yesu, kabaliita beni kuti Mbanakristo, baiminzi bakatumwa kuzwa ku Julu, beelede kuba a kusimpikizigwa kwa kutumwa kwabo. Nda syoma kweelede kuba kusimpikizigwa kwa kutumwa kwabo.

65 Lino, tula mvwisya kuti Jesu wakati awa, muli Marko cipati 16, kuti boonse Mba katuma ku kumalailile bayo yumuna kusimpikizigwa. “Ezi zitondezyo ziyo batobela abo basyoma.”

66 Lino, Ta kaamba kuti, “Balo, ndiza bayo tobela, na antela bayo tobela.”

67 Wa kati, “Kamuya mu inyika yoonse.” Lino, muntuumwi uyanda kutenda kutumwa oko, myaka ili zyuulu zyobilo zyakainda. Pele Wa kati, “Inyika yoonse, ku bantu boonse. Ezi zitondezyo ziyo batobela mu inyika yoonse, a ku bantu boonse.” Mwabona? Elyo ezyo zyakali zitondezyo zya keelede kutobela, ku tondezya cizibyo.

68 I Bbaibbele iyakati, “I Mkanimabotu akaboola kuli ndiswe kutali mu ijwi buyo, pele kwiinda mu nguzu, luyubunuko lwa Muuya Uusalala.” Mu majwi amwi, “Walo Muuya Uusalala kaubweza Ijwi lya Leza a ku Li bamba kuyubululwa.” Mwabona? Elyo, bumbi, nzila biyo zitondezyo zya Marko 16 inga yatobela musyomi sa oyo ngo Muuya Uusalala Mwini ubweza Ijwi lya Leza a ku citondezya ku bantu. Nce ncico. Lino, lusyomo lubamba Ijwi eelyo kupona. Mwabona?

69 I Ijwi ngu Leza. “Ku matalikilo kwakali Ijwi, alimwi Ijwi iyakali antoomwe a Leza, nkabela Ijwi wakali Leza.” Elyo mpawo Jesu wakati, “Ikuti na mwa kkalilila muli Ndime, a Ijwi Lyangu muli ndinywe, amulombe eco nco muyanda, ciyo citwa kuli ndinywe.” Mwabona? Oko nkukkala a Kristo mu Ijwi. Muta inki kululyo na kulumwesi, amukkale ncobeni a Ndilyo. Mwabona? Elyo mpawo Talili ijwi lyako ncobeni kaindi, Ndi Ijwi Lyakwe, alimwi Ijwi Lyakwe lili jisi nguzu a bwami kunze lya Ndilyo. Lino, alimwi ikuti na Muuya Uusalala, uuli ndi Ijwi lya Leza, na nguzu zya Ijwi lya Leza, kuboola a Ijwi lya Leza, Liyo bamba Ijwi lya Leza kulilitondezya Lini.

*...Kamuya mu inyika yoonse, a kuyotondezya Mkanimabotu ku bantu boonse.*

*Elyo oyo uya kusyoma a kubbizigwa uyo futulwa; . . . oyo uta kasyomi uyo zulwa.*

*Alimwi zitondezyo ezi ziyo batobela abo basyoma; . . .*

70 Ino nkubambidwe kubotu mbo kubede! Ikuti na twa sakana buyo lino a kuswilila: ezyo zyakali zyelelo zya kujatilila ku muntu onse oyo wakaunka kakambauka Mkanimabotu. Elyo taakwe muntu ujisi nguzu zya kukambauka Mkanimabotu kakutakwe lubbizyo lwa Muuya Uusalala. Jesu takalekela Petro, Jakobo, Johane, kufumbwa umwi wabo, kukambauka

Makanimabotu kusikila niba kalindila mu munzi wa Jerusalema kusikila Muuya Uusalala waka bazuzya, nkaambo walo Muuya Uusalala uubamba Ijwi lya Leza kunjila mu mulimo. Mwabona?

<sup>71</sup> Lino, eelyo Ijwi ndilyonya lili muumi ncobeni sunumasiku mbuli Mbo lyakabede oora Lya kaambwa. Mwabona? I... Koonse nko tubulide walo Muuya Uusalala kunze lya Ijwi, ku Ubikka ku ncito a kutondezya nguzu ezyo Nzo waka syomezya. Cilongezyo coonse eco Leza nca kasyomezya, zintuzyonse Nzya kaamba, inga zyaletwa ku buumi ikuti na Muuya Uusalala uli kunze lya Ijwi, nkaambo nce cintu eco cipa Ijwi a ku Li pa buumi. Mwabona? Elyo lino tu lizi kuti eco cili luleme.

<sup>72</sup> Jesu wakati, “Ezi zitondezyo ziyo batobela boonse Mbe tuma.” Bamwi, bala kaka. Kwa mana. Cilimasimpe.

<sup>73</sup> Kufumbwa sikutasyoma, kufumbwa sikujana butongo wa Ijwi, inga waboola antoomwe a cizibyoy ca kabungwe kamwi, kabunga kamwi kakabambwa aabantu na cintucimwi, kwaamba, “Ndili muna Presbyteria, Lutherani, Baptisti,” kufumbwa mbo cinga caba. Wa kali kukonzya kulizibya mwini cabuteteete mu luswaanano lwa mbungano eyo njionya yakabungwe, nkaambo ka zyelelo zyakwe. Pele zyelelo zyakwe ziboola biyo kuzwa ku kabunga ako kakabambwa a lwiiyo a kutali Ijwi lya Leza.

<sup>74</sup> Pele Leza, ikuti na watumwa kwa Leza, “Ezi zitondezyo ziyo batobela abo basyoma.” Mwabona? Jesu wakaamba boobo. Mwabona? Mwabona?

<sup>75</sup> Nku, kumwi, naa wabweza eco kabunga kamwi nco kaamba, lwiiyo lumwi lwabukombi lwakabambwa aabantu lwa kaamba. Bayo kambauka njiisyo ya lwiiyo olo, elyo mpawo ezyo nze zyelelo zyabo ku bboodi lya bamadaikona, na kufumbwa mbo cibede, kuti baimikila mu luswaanano lubotu a kabunga ako. Nse jisi cintu kulwana ceeco, kumvwisya.

<sup>76</sup> Pele Ndi zunda buyo eco Jesu nca kaamba. Mwabona? Wa kati, “Ezi zitondezyo ziyo batobela abo basyoma.” Elyo Jesu wakati, mu Musalali Johane 14:12, “Ncobeni, ncobeni, Nda mwaambila.” Nkokuti, “Nincobeni, nincobeni, Nda mwaambila, oyo usyoma Ndime, milimo Nje cita uyo icita awalo.”

<sup>77</sup> Elyo mbobuti muntu mbwa konzya kusyoma kuti wakatumwa kwa Leza, elyo mpawo kunyona a kukaka nkukonya kutumwa oko Leza nkwa kaamba kuyooaba, eco inga ciyooba cizibyoy ca muntu oonse oyo Ngwa katuma? Mbobuti muntu mbwa konzya kwaamba, “Takukwe cintu cili boobo mbuli lubapatizyo lwa Muuya Uusalala”? Mbobuti muntu mbwa konzya kwaamba, “Kwiina cintu cili boobo mbuli kuponya kwa balwazi”? Mbobuti muntu mbwa konzya kwaamba, “Kwiina cintu cili boobo mbuli kwaambaula mu myaambo, kutanda madaimona”? Cindi, ezyo zyakali nzyoonya zyelelo Jesu nzya

kaangila musyomi onse uya kuba, Ngwa katuma kumasena. Obo mbwami.

<sup>78</sup> Lino, inga waunka ku cikolo a kujana Ph.D., a LL.D., a kufumbwa zimbi nzo yanda kucita, nkabela eco cili kabotu. Eco nkulizibya kwako ku kabunga ako. Elyo balo bali kabotu. Nse jisi cintu caku balwana; ni Nda kabacitya.

<sup>79</sup> Pele cizibyo eco Jesu, cindi Na tuma muntu, ngu, “Ezi zitondezyo ziyo batobela abo basyoma.” Mwabona? Oko nko kulizibya nkwa katuma kwiinda kuli Leza. “Ezi zitondezyo ziyo batobela abo basyoma.”

<sup>80</sup> Lino, mbuli Mbwe amba, kufumbwa muntu wa lweeno inga wabweza unifoomu na bbaa, pele eco tacili ncobeni ca zyeelelo. Zyalo nzyeelelo nze zjisi makani, kutali unifomu na bbaaji. Elyo kuli bantu banji. . . Elyo ncibi loko Nde elede kwaamba ceeci, pele mbwini. Twe elede kusyomeka. Kuli banji loko ba i. . . bantu besu ba Pentekoste, abo basama buyo bbaaji a unifoomu, mwabona, nkaambo ba pona bwandeene loko kwiinda pentekoste mbo yeelede kuba ini, kusikila taakwe—taakwe cintu kuli ncico. Kwa mana. Elyo cileta buyo sampu ku Kaambo. Mbo mbubo. Ci bamba bantu ku yeeyela.

<sup>81</sup> Pele Jesu wakapa kusimpikizya, kuti ciyooba kabotu, nkaambo, “Ezi zitondezyo ziyo batobela basyomi.” Eco nce cintu comwe. I Muuya Uusalala wakalanga ansi kwiinda mu bweende bwa ciindi a kubona kuti bantu bayo sandulasandula Ijwi Lyakwe aku citya *ceeci*, *eco*, a i *cimbi*, aboobo Wa kacisalazya loko a kabotu loko kuteeti kwiina nzila ya boonse ku ceenguluka. Wa kati, “Ezi zitondezyo ziyo batobela abo basyoma.” Lino, tu lizi obo kuba bwini.

<sup>82</sup> Ii sikutasyoma inga wabweza zyeelelo ezi zya mapepa, pele eco tacili ncico cimubamba kuba muntu wakatumba kwa Leza. Ba leenda koonse kuno a misyobo yoonse ya mabbuku kungsi lya maboko abo, koonse kwiinda mu cisi, alimwi oyu, wa Jehova *oyu*, alimwi *niini-a-niini*, a zyoonse *ezi*, *cimbi*, pele eco tacicibambi boobo. Peepe, munene.

<sup>83</sup> Jesu wakati, “Amu basoleka ku Ijwi.” Mbo mbubo. I Ijwi, “Ezi zitondezyo ziyo batobela.”

“Sena ula syoma mu nguzu zya Leza?”

<sup>84</sup> “Oh, mbungano yesu—yesu iyiisya kuti. . .” “Mbungano yesu,” eco tacikwe cintu cakucita a Ncico.

<sup>85</sup> Nceeco Ijwi lya Leza nco lyaamba. Mwabona? Inzya. “Majulu a nyika ziyo loba, pele Ijwi Lyangu tali kalobi.” I Ijwi lipona, lya kaambwa a Leza muumi, lyeelede kuba mu cilenge cipona. Elyo mbobuti mwaalumi na mwanakazi mbwa konzya, oyo utaminina kuti bajisi lubbizyo lwa Muuya Uusalala, kukaka eco Leza nca kaamba mu Ijwi Lyakwe? Nkaambo, ngo Muuya Uusalala nguwenya oyo wakalemba Ijwi, ngo Muuya Uusalala nguwenya

oyo uuli mu kwaambaula kwiinda mu muntu. Mbo mbubo. Ci leelede kuba. Ta konzyi, ta konzyi kucicita. Iiyi, munene.

<sup>86</sup> Lino, pele, kuti, muntu inga waboola a kwaamba, “Ndi jisi kkaadi lya luswaanano. Ndi zulilwa ku mbungano *eyi* na mbungano *eyo*.” Eco nekuba taci cibambi kululama. Inga kano jisi Ph.D., LL.D., a zimwi zimbi kuzwa ku cikolo cimwi cipati. Kuli kabotu. Taakwe kulwana ceeco. Eco inga kacili kabotu. Nse jisi cintu kulwana ceeco. Pele ikuti na Leza waka mutuma. . . Elyo ikuti na wakaka kutumwa oku *Awa*. . .Ikuti na ujisi oko kusanganya *Ceeci*, ncibotuloko. Pele ikuti na ujisi *ceeco* kakutakwe *Ceeci*, mpawo tacili cibotu. Mwabona? Mbo mbubo.

<sup>87</sup> Kuli kabotu ikuti na muntu wasama unifoomu a bbaaji libbi a mapepa azyeelelo. Yaa. Pele wa kali kukonzya kusama unifoomu a bbaaji kakutakwe zyeelelo. Mbo mbubo. Aboobo nkusimpikizigwa kwa kutumwa, oko kweelede kwiima. Ce elede kucita, kutasolwi.

<sup>88</sup> Oyu sikutasyoma inga waanda a kwaamba, “Ee, Nse syomi kuti kuli cintu cili boobo mbuli lubbizyo lwa Muuya Uusalala. Zikolo zyesu zya kayiisya kuti—kuti mazuba ayo akamana. Ta tweelede kuba aceeco limbi.” Elyo kuli banji loko babo basyoma boobo. Kuli banji loko babo basyoma eco cakusinizya, bantu babotu, nkaambo kakuti bala swiilila ku cikolo mubusena bwa Ijwi lya Leza. Mbo mbubo ncobeni.

<sup>89</sup> Awa ciindi cimwi cainda, mu busena bumwi, kwakali ii—ii—ii mwanakazi. Waa kajisi mwana. Elyo wa kali, kajisi kwiitwa kwa Leza mu buumi bwakwe; wa kaboneka kuba awo. Elyo banyina bacete bakaindi bakali kuyanda kumutuma ku cikolo, kuyo cita koonse nkwa kali kukonzya kumuyaka. Eco, eco ncintu cibotu cakucita. Pele waa kamutuma ku musyobo uotaluzi wa cikolo. Waa kamutuma ku busena oko nkoba katalika kuyiisya bwiimpene ku Ijwi lya Leza, nkabela wa kazumanana. Waa kasanzya, ku mutumina ku cikolo, azimwi zimbi, a ciindi cilamfu cakainda. Elyo, kumalekelo, ta kaboola ku muunzi kwa kaindi kaniini.

<sup>90</sup> Mutumbu mucembele wakaciswa. Waa kaciswa, loko loko. Elyo waa kali muciiimo cibyaabi loko kusikila dokotela wakati takali kuyo pona, cakuti waa keelede kufwa. Aboobo waa kajana umwi wa basimukoboma kutuma telegiramu ku mwana wakwe, kuboola ku muunzi cakufwambaana, nkaambo bakali kulangila nguwe kufwa. Elyo aboobo simukobo waka tuma telegiramu.

<sup>91</sup> Elyo—elyo aboobo mpawo mulombe wakali kulibambila kusika. Elyo kwiinde kaindi, telegiramu imbi yaka jokela a kuti, “Ta pengi. Uli kabotu.”

<sup>92</sup> Aboobo mpawo, kwiinde myeezi misyoonto, mulombe wakasika ku muunzi kuswaya banyina. Elyo—elyo wa kati kuli nguwe, katangala okuya, a—a kumwaambila kuti wa kajisi digrii lyakwe Taanzi lya Arti, a zyoonse nzya kacita, a nzila mbwa

kasika kabotu mu cikolo. Elyo wa kati, “Akwalo, baama,” kati, “Nda luba ku mubuzya.” Kati, “Wa kandi tumina telegiramu, kutandila myeezi ili cisambomwe yainda, kuboola ku muunzi.” Kati, “Nda kali nyongene loko.” Elyo kati, “Nda ka libilika loko kujatikizya ncico.” Elyo kati, “Nda kalibambila kusika. Elyo mpawo telegiramu imbi yakasika, kuti mwakali kabotu. Mwa kaba kabotu. Elyo Nda kali kkomene kapati kuli ceeco. Baama, Ndi yanda ku mwaambila, na, baama, Ndi yanda kuti undaambile eco cakacitika. Ino musyobo nzi wa musamu dokotela ngwa kakupa, a dokotela ngwa kajisi?” Kati, “Ndi yanda kuunka a—a ku mwaambila aa mulimo wakwe mubotu.”

<sup>93</sup> Waa kati, “Kabotu loko, mulombe.” Kati, “Mwii. Jesu wakali Umwi Oyo waka cicita.”

Wa kati, “Baama?”

<sup>94</sup> Kati, “Mwii. Jesu.” Waa kati, “Mwii. *Niini-a-niini*, musilisi wangu, wakasika atala awa, nkabela ntuntumaanzi yangu yakali atala loko, Nda kali nyongene mu mutwe wangu.” Elyo kati, “Ba kati Nda kaindila kubija, elyo mpawo Nda kali kuyoofofa.” Elyo waa kati, “Yebo ulizi awo missioni eyo niini mpoibede ku kkona, kunselelo okuya ku kazila kamanikide?”

“Iyi.”

<sup>95</sup> Kati, “Balo bantu bakali kuba a muswaangano wa mipailo kunselelo okuya busiku bumwi, elyo ba kati Muuya Uusalala waka baambila kuboola okuno kuzo ndikombela.” Elyo kati, “Mbo bakandi kombela buyo, ntuntumaanzi yoonse yakamana.” Elyo waa kati, “Oh, mulombe!” Waa kati, “Aleluya!” Waa kati, “Nda ponese gwa.”

<sup>96</sup> “Oh,” wa kati, “baama, baama, cambia nciconya! Baa, ta mweelede kunjilana a bantu bali boobo.” Wa kati, “Baa, to elede kuba a bantu okuno.”

Waa kati, “Oh, baa, mulombe?” Kati, “Ee, bulemu kuli Leza!”

<sup>97</sup> Wa kati, “Baama, ta baambi zintu ezyo.” Kati, “Baa, baa, ula ndigambya!” Mwabona? Kati, “Baa, to elede kwaamba zintu ezyo. Baa,” kati, “abo bantu taba jisi lwiiyo. Ta bazi cintu cili coonse kujatikizya Bbaibbele.”

<sup>98</sup> “Oh,” waa kati, “Ndi jatile, mulombe.” Kati, “Ba kaboola nkoonya kunselelo a kubala kuzwa mu Bbaibbele nkambo ka ndime, awo mpo lyakati, ‘Ezi zitondezyo ziyo batobela abo basyoma. Ikuti na babikka maanza abo aa balwazi, bayo pona.’” Kati, “Lindila. Nda kacibala ziindi zinji. Nda ceengela mu Bbaibbele lyangu. Ndiyo unka kuyo mutondezya.”

“Oh, lindila aniini buyo, baama.” Kati, “Oyo ngu Marko 16.”

“Iyi, awo mpempawo mpo cibede, oyandwa,” kati, “Marko 16.”

<sup>99</sup> Kati, “Oh, baama,” kati, “yebo wabona, abo bantu bacete, taba zyi kabotu nokuceya.” Kati, “Twa kaiya ku cikolo kuti Marko 16, kuzwa ku cipati 9 kuyabuya, tai nanikidwe. Mwabona? Ta cinanikidwe ncobeni. Ca ka yungizigwa buyo.”

<sup>100</sup> Elyo mutumbu muniini wakati, “Bulemu kuli Leza! Aleluya!” Elyo waa . . .

I mulombe wakati, “Baama, ino upandulula nzi?”

Kati, “Ndali kuyeeya buyo.”

Kati, “Kuyeeya nzi, baama?”

<sup>101</sup> Waa kati, “Ikuti na Leza wakonzya kucita ceeco kuli ndime a Ijwi lita nanikidwe, ino inga Wa citanzi a eelyo lili nanikidwe ncobeni?” Aboobo eco, mbo mbubo. Wabona? Wabona? Nce ncico. Oh, ma!

<sup>102</sup> Ino ndipenzi nzi? Oyo mulimo muniini ku kkona waka jisi zyelelo, ndiza kutali Ph.D. na LL.D. Na . . . Pele baka jisi zyelelo zya Leza, “A zitondezyo ezi kazi batobela abo basyoma.” Jesu wakati tuyo cicita. Ba—ba kajisi kusimpikizigwa kwa Leza. Ba kajisi kutumwa Kwakwe, kuunka kuyo bikka maanza aa balwazi, nkabela baka cicita nzila njionya Nja kaamba kucita, alimwi (balo) Leza waka simpikizya Ijwi a zitondezyo kazitobela. Nkusimpikizigwa kuti bakatumwa aa Leza. Iiyi, munene. Obo mbwini. Yaa.

<sup>103</sup> Lino, eco nciyo cibotu. Nkaambo, mulombe wakali sakene kuyo langalanga, elyo nincobeni wa kajisi Ph.D., pele baka jisi kusimpikizigwa kwa Ijwi. Wa kajisi kusimpikizigwa kwa digrii kuzwa ku kkolegi imwi, pele ba kajisi kusimpikizigwa kwa Ijwi lya Leza kuzwa ku Julu, a Muuya Uusalala kwiiminina eco nco bakali kwaambaula. Iiyi, munene. Elyo Leza waka mupa zitondezyo. Iiyi, munene. Oh, obo Mbwe lumba Leza kuli ceeco! Bantu ba Leza lyoonse bali jisi eco.

<sup>104</sup> Lino, mukutazumbauzya, uutasyomi uya kweelela kuba a Ijwi liniini lya Leza, ku Li pindamuna, ku Li bamba kweelela ku kayanza kabuzumini, ku li bamba kuba sikucenga maningi. Lino, nywebo mulizi, bubeji bupati maningi bwakasolwa kwaambwa buli jisi Bwini bunji muli mbubo. Mbo mbubo. Amuyeeye. Aumwi . . . I bubeji butaanzi bwakasolwa kwaambwa, kajisi peseenti ili makumi ali fuka aosanwe, cindi Saatani na kaambila Eva, mu muunda wa Edeni, “Zintu ezi zyoonse Leza nzya kaamba.” Wa kazumina, “Mbo mbubo.” Wa kazumina, “Mbo mbubo, zintuzyonse Leza nzya kaamba. Pele,” kati, “ncobeni toka fwi.” Nceeco we.

<sup>105</sup> Muntu umwi wakali kukonzya kwaamba, “Ba kali ku cikombelo, kutala kuno ku busiku obu buli *boobu-boobu*.” Iiyi. “I bantu boonse bakabungana mukati.” Iiyi. “Ba kaimba ziimbo.” Iiyi. “Elyo mukutausi wakakanana.” Iiyi. Mbo mbubo. “Elyo

mpawo ulizi cintu na? Ba kaindilila bbodela, nkabela boonse babo baka kolwa.” Kabalubide. Mwabona?

<sup>106</sup> Buyo Muuya wakawida ansi, boonse bakakolwa. Mwabona? Olo ndwiindano buyo, nywebo mwabona, cindi nibata inzyi bbodela konse. Pele cilongezyo ca kumuuya ica Leza caka wida aa bantu. Ba kadadalika. Ba kawa. Elyo ba kakosola mbuli boobo. Pele tee lyakali bbodela lyaka cicita. Wa kali Muuya Uusalala kasimpikizya Ijwi Lyakwe a zitondezyo kazitobela. Mwabona? Mwabona? Coonse caco cakaboneka buyo kabotu, pele bbodela. Mwabona?

<sup>107</sup> Lino, inga Nda amba, sa waliko kutala okuya? “Iiyi.” Sena bantu bakali okuya? “Iiyi.” Sena baka zungaana? “Iiyi. Iiyi.” Coonse eci? “Inzya.” Eco cili kabotu pele cintu eco comwe.

<sup>108</sup> Aboobo eyo nje nzila uutasyomi, i uuta-. . . i muntu uutalizibya antomwe a Leza, uyo amba, “Oh, Nda syoma kuti Jesu Kristo walo Mwana wa Leza. Nda syoma Leza ngu Taata wa Jesu Kristo. Nda syoma zimbi ezi zintu zyoonse.” Mwabona? Pele cindi caboola ansi ku cibeela *Eci* cimbi, “Oh, *Eco* nca buzuba bumbi,” Mwabona? Mboobo bubeji bwa ncico. Mbo mbubo. Walo usola kunyona aniini ku Ijwi liluleme, ku kulibamba kweena ku bantu.

<sup>109</sup> Pele ninzi? Jesu wakapanga cintu antangalala. Wa kati, “Ezi zitondezyo ziyo tondezya Mulumbe oyo Ngwe katuma.” Iiyi, munene.

<sup>110</sup> Nda kali mukambausi wa Baptisti lomwe, kuyanda bantu ba Baptisti nekuba. Pele Nda kajana cintu eci cimbi. Mwabona? Lino, tacili—tacili mbubonya, i—i mbungano ya Pentekoste, Ta ndaambi kuti ili londokede buyo, taakwe cintu muli njiyo, pele nku bubotu nko tu jisi, aboobo atu kkale ncobeni a ncico. Kwa mana. Bala syoma. Bamwi babo inga kaba tajisi lusyomo lukubwene.

<sup>111</sup> Ndili ambabo ncobeni, kutali lusyomo lukubwene lwa kubamba Majwi oonse kucitika. Pele Nse kaimi mu nzila ya muntuumwi ujisi lusyomo lukubwene lwa Kwi bamba kucitika. Nse kasiyi kunze lya kutasyoma, mu kwaamba kuti tacikonzyi kucitwa. Ikuti na muntu wakonzya kubweza Ijwi lya Leza aku Li simpikizya a nguzu zya Leza, Nda amba, “Bulemu kuli Leza! Mwami, ndisumpule a kundilekela kwiima, ku lusyomo, aa nyika ya tafule.” Iiyi. Njo kkala ncobeni a ceeco.

<sup>112</sup> Ba cita buyo aniini, kweelela buzumini bwabo bwabukombi. Pele mulanda wa Leza uli jisi citondezyo Cakwe, mbubonya.

<sup>113</sup> I Cizuminano Cakale, kwakali kuba muntu, cindi bamwi babo niba takakonzya kusaina zina lyabo, aboobo baka jisi caando, nkabela cakali citondezyo. Ba kali kunga ba cinamatika, mbuli *boobo*. Ca kamana. Ii cinamatizyo mulimo waka manizigwa.



114 Baefeso 4:30 ilati, “Muta penzyi Muuya Uusalala wa Leza, kuli nguwo mwa kaandwa kusikila ku Buzuba bwa Lununuko lwanu.” Nku kwaandwa, mulimo wakamana; kuti Leza waka kubona, kaziba lusyomo lwako olo ndo kalyaamba muli Nguwe, katila Muuya Uusalala, aku kunamatika kusikila ku Buzuba bwa Lununuko lwako. Eco nce citondezyo Leza nca kakupa Muuya Uusalala, mbo mbubo, alimwi wasimpikizya lusyomo olo ndo kajisi muli nduwe, alimwi kupa kusimpikizigwa kwa ncico kwiinda ku kukupa Muuya Uusalala.

115 Elyo ikuti na ujisi Muuya Uusalala, “Ezi zitondezyo ziyo batobela abo basyoma.” Mbubonya.

116 Ikuti na wakaka, oyu muntu uya buzunguluka, kaamba, “Lino, muta swilili bantu abo. Wa kali kunselelo ku cikombelo busiku bumwi?”

“Iyi. Uh-huh.”

117 “Ee, tu zulilwa kuli *Boobu-a-boobu*. Eco tacili cintu pele cikama buyo ca ba riffraffi.”

118 Sena mwakalizi kuti Paulo wakati kuli Agripa, “Mu nzila eyo ii tegwa ‘ila andene,’ eyo nje nzila Mbwe komba Leza wa matata esu”? Nywebo mulizi obo buzumini bwimpene mbo bubede? [Ii mukwesu waamba, “Kunyongana.”—Mul.] Inzya. Mbo mbubo. Sena tiiba kaamba kuli Jesu kuti, “Lino tu lizi kuti Uli sondokede”? *Kusondoka* caamba “kunyongana.” Mwabona?

119 “I nzila eyo iiboneka kunyongana.” Nkaambo wakazwa ku lufu kuya ku Buumi. To cili wa inyika, pele waka bikkwa ambali kuzwa ku inyika. Mwabona? Elyo nkikaako mizeezo yako nja kumuuya, alimwi uyeeya aa zintu Kujulu a kutali zintu ali ceeco kucitika awa aa nyika. Kuyandisya kwako kuli aa zintu Zili Kujulu.

120 Lino, ikuti na oyu muntu wakaka kuti Jesu Kristo ngu mbobuca nguwenya, sunu, amuya myaaka.

121 Lino amu cilangilile. Muyo bamvwa kabaamba, “Oh, Ngu mbobuca.” Sa Ngu mbobuca? Sa Ngu mbobuca? “Ee,” ba lati, “Uli mbubonya, mu nzila imwi.” Ni nzila nzi? Mwabona? Ni nzila nzi? “Ee, Ta—Ta ndi. . . Ndi syoma kuti Uci futula.” Mwabona? Ino kujatikizya kuponesegwa? “Oh, peepe. Ta citi ceeco.”

122 Lino, cindi Na kali ano aa nyika, ba kati, “Ula konzya kuponya, pele Ta konzyi kufutula.” Lino ba lati, “Ula konzya kufutula, pele Ta konzyi kuponya.” Mwabona, ngu dyabulosi buyo, uli mukubweza mabazu obilo.

123 Pele ikuti na Ngu Jesu Kristo, nokuceya, Umwi unanikidwe, Ngu mbobuca nguwenya, sunu, amuya myaaka, Musilisi nguonya, nguwenya.

124 Toli nduwe ucita maleele. Peepe. Ba yanda kwaamba kuti, “Andi ku bone ucite *ceeci*.” Lino, Leza taka ndaambila kucicita. Wa kacicita kale. I cintu buyo kuli ndime cakucita nku bweza

Ijwi Lyakwe a kujatilila kuli Ndilyo, nkabela Uyo cileta kucitika. Mbo mbubo. Obo mbombubo. Toli nduwe. Ngu Leza uli muli nduwe.

<sup>125</sup> Mbuli Jesu mbwa kaamba, “Nseli Ndime uucita milimo; ngu Taata Wangu oyo ukkala muli Ndime. Ngu cita mulimo. Ncobeni, ncobeni, Nda mwaambila, Mwana takonzyi kucita cintu muli Lwakwe; pele eco Nca bona Taata kacita, eco Mwana nca cita nciconya.” Wa kalangilila lutaanzi, kubona cilengaano, eco Taata nca ka Mwaambila. Musalali Johane, Nda syoma, 5:19, muyo bala eco, 5:19. Iyi. Ikuti na muyo bala, Wa kati, “Eco Taata nca Ndi tondezya kucita, eco Nce cita ambebo.”

<sup>126</sup> Lino tu jana kuti, mpawo, kuti ikuti na twa—ikuti na twa. . . ikuti na wakaka kuti Jesu Kristo tali nguwenya.

<sup>127</sup> Kuli cintu comwe luzutu eco Nca takonzyi kuba, eco Nca konzya kuba candene mukati, nkokuti, mubili, wabuntu wakunyama. Mwabona? Lino, mu mubili, wabuntu wakunyama, Leza wakabusya oyo kuzwa ku cuumbwe, aa buzuba bwatatu, nkabela uli kkede ku janza lya lulyo lya bupati Bwakwe Kujulu, aa i. . . aa Cuuno Cakwe cabwami. Jesu wakazunda, kabweza Cuuno cabwami ca Leza. Swebo notuzunda tuyo kkala a Nguwe aa Cuuno Cakwe cabwami, nkaambo Cuuno Cakwe cabwami ncuuno cabwami ica Davida, awo Mpayo lela awa aa nyika. Elyo lino ku janza lyalulyo lya Leza, janza lyalulyo lya nguzu Zyakwe a bupati, Jesu ulela.

<sup>128</sup> Lino, Omuya, Walo Mupaizi Mupati waku bamba nkombelezyo aa kulyaambilila kwesu, cindi twa tambula Ijwi Lyakwe, ku Ci syoma mu moyo wesu, ku Ci tambula omuya, a kutalimbulula, pele kusyoma ncobeni kuti ciyo citika. I Lunyungu lwini lwa Abrahamu luyo jatilila ku Ijwi eelyo. Takukwe makani obo mbo citola ciindi cilamfu, Uyo cileta kucitika. Takukwe mayuwe muli ncico, ali oonse. Uyo cileta kucitika. Mbo mbubo.

<sup>129</sup> Lino, silweeno uya kuti, “Peepe. Eco, eco tacili boobu.” Mpawo kufumbwa kuti bakakaka kutumwa *Oku*, citondezya kuti taba konzyi kutondezya. . . ba. . . kutumwa kwabo kwa kanamatikwa. Taba konzyi ku mutondezya, nkaambo bala kaka. Ikuti. . .

<sup>130</sup> Elyo mbuli ii—ii silutwe, Inga ndaamba, “Ee, awa, Ndili upshaw wa United States. Ndi lizi Ndili upshaw, elyo *ngooyu* mulao waamba kuti upshal weelede kubweza pepa eli lya zyelelelo, kanamatikwa a cidindo ca United States.”

<sup>131</sup> Yebo wati, “Ee, eco cakali ciindi cimwi cakainda. Ta tweelede kuba a ncico sunu.” Ngu lweeno. Nku koonse kuliko kuli ncico. Ta luzi. Ta tumidwe. Ta tumidwe.

<sup>132</sup> Elyo kufumbwa muntu uyo kaka, kuti Jesu Kristo tali mbobuca nguwenya, sunu, amuya myaaka; kufumbwa muntu uyo kaka “ezi zitondezyo ziyo batobela abo basyoma,” usola

kuta subulwa ku musyobo umwi wa pepa lya kunanikwa kakutakwe caando ca kutumwa. Mbo mbubo ncobeni, lino. Nincobeni mbwini. Konzyi kutumwa kwa Leza, nkaambo ukaka cinamatizyo nciconya, kuti, kusimpikizigwa nkukonya kwa kutumwa oko nkwa keelede kuba ako.

Ikuti na silutwe wakati, “To elede kuba a cinamatizyo eco.”

<sup>133</sup> Uli cijisi, lwako. “*Nceeci* we, mu bbuku eelyo lyaamba kuti weelede kuba a cidindo eco. *Nceeci*, cili mu milao ya United States, yaamba kuti silumamba mupati weelede kabweza cidindo eci.” Aliwi ikuti na ta jisi eco cinamatizyo, nincobeni tali silumamba mupati. Muta mutambuli, nkaambo tali upshaw, nkaambo mulao wa bbuku waamba kuti weelede kubweza cinamatizyo eco.

<sup>134</sup> Jesu wakati, “Ezi zitondezyo *ziyo* batobela. *Ziyo* batobela!” Kutali, “Beelede; ndiza; bamwi babo, ciyo cita.” Lya kati, “Bayo batobela abo basyoma.” Oko nkusimpikizigwa kwa kutumwa, oko nko bakatumwa. Amen. Nda cibotelwa eco. Cindi gwasya buyo kuciziba. Iiyi, munene. Aboobo Ndi lizi kuti oko nkutumwa kwa kaboola mu moyo wangu, caando ca Muuya Uusalala. Mbo mbubo.

<sup>135</sup> Ndi lizyi, musyomi oonse oyo uuli musyomi ncobeni, ula bona muntu oyo uukaka nguzu ezyo zya mbubo: I Bbaibbele lyakati, “Ku mazuba akumamanino bayooba a ciwa cabukombi, nkabela bayo kaka nguzu zya mbubo. Kuzwa kuli bali boobo kofutata. Muta citambuli, nokuceya.” Mbubo. Ba yooba a mabungano mapati a tubungwe tubotu, a bweebesi bupati, a bweebesi bupati, a zimwi zimbi mbuli eco.

<sup>136</sup> Amulange, awa, busiku bumwi, kumusanza okuno mu Phoenix, cikama ca basimbi baniini, balombe okuya, kucita eyi impya bbugii-wuuglie, kufumbwa mbo mwiita cintu eco oko, a kugusya loko mu muuya wa nguwo kusikila bakali mu tugwagwa. I basilikali baka babweza. Aboobo koongelezegwa kungsi lya nguzu zya dyabulosi, iiyi, elyo mpawo ezyo zyampuwo.

<sup>137</sup> Pele muntu auloke mu Muuya ciindi cimwi, kungsi lya nguzu zya Muuya Uusalala! Mbo mbubo. Nce ncico. “Zitondezyo zya Leza ziyo batobela abo basyoma.” Inzya.

<sup>138</sup> Konzyi—konzyi kwaamba kuti wa katumwa kwa Leza, elyo mpawo kukaka kutumwa Kwakwe. Atu lange bamwi abo Leza mba katuma, kuziba na Wa kalizibya lyoonse basyomi Bakwe. Lino amulange.

<sup>139</sup> Atu bweze Musa. Musa waka jisi kwiitwa mu buumi bwakwe, obo mbwini, pele ta katumwa. Wa kali kuyeeya kuti waka tumwa, nkabela amu lange oko kukakilwa nkwa kacita. Pele cindi Leza naka mutuma kuzwa ku citeo ciyaka. . . Cindi na kali kubusena mu busyu bwa seminari ya Farao, wa kazwa a zyelelelo zyakwe. Tee zyaka beleka. Leza taka zizumina.

<sup>140</sup> Amulange, wa kaselemukila okuya a kujaya muntu omwe kakutakwe kutumwa kucicita, nkabela wa kacita kucija kuzwa mu Egepita. Elyo wa kaselemukila okuya a kunyikizya impi yoonse yaba Egepita, a kutumwa kwa kucicita, nkabela taakwe cintu caambwa kujatikizya ncico. Olo ndo lwandaano. Kujaya muntu omwe nkabela wakacita kuzuza. Oh, ino nciimo cibyaabi nca kali mukati, nkaambo wa kacicita kakutakwe kutumwa. Pele wa kaselemukila okuya a kutumwa, a kunyikizya impi yoonse, kajana bulemu kuli Leza nkambo ka Nguwe. Mwabona?

<sup>141</sup> Obo Leza mbwa bamba bantu kulilemeke cabufuba! Oyo mudaala, wabulemu lino, wakazwa awo a misyobo yoonse ya madigrii aa makkolegi. Pele, alimwi, oh, inga ta yeeya kujatikizya ncico, okuno ku myaka ili makumi ali lusele yakukomena. Elyo cifumo cakacilila, mpaawa waselemukila ku Egepita, a mukaintu wakwe kakkede akambongolo, a mwana wakwe muniini aa kasolo kakwe, kayabuya, malezu mapati akaindi kaavunga mbuli obo, a kasako kapilingene mu janza lyakwe.

“Uya kuli, Musa?”

<sup>142</sup> “Kuya kumusanza ku Egepita, kuyo tola bweendelezi.” Kusaala kwa muntu omwe. Nkaambonzi? I cintu ca ncico, wa kacicita. Mbubo. Mbuli muntu omwe uunka kuyo endelezya Russia yoonse. Cakali cinzi? Wa kazuzi. . . Cindi na kali silutwe mu cuuno cipati, silutwe mupati maningi wakaliko, wakali muni kuli Farao mu Egepita, wa katija kuzwa ku Egepita nkaambo ta kajisi kutumwa kwa kuvuna bana ba Israyeli. Pele mpawo wa jokela, a muntu omwe kalwana cintu coonse, a kutumwa, a kucicita. Nkaambonzi? Wa kajisi kutumwa, alimwi wa kajisi kusimpikizigwa kwa nkuko. Wa kali kukonzya kutondezya kuti Leza waka mutuma. Ameni.

“Ino uyo citanzi a, Musa?”

“Oyu kasamu kakaindi kapilingene Nke jisi mu janza lyangu.”

“Kuyo cita nzi?”

“Oku nkulailila kwangu.”

“Inzi?”

<sup>143</sup> “Leza wandipa zitondezyo zzyobilo zya kucita kumbele lyabo. Nce ncico. Wa kandaambila kuunka kuyo cita ceeci. Kati, ‘Ezi zitondezyo ziyo batobela,’ ikuti na Nda unka kunselelo okuya. ‘Amu cisowe kumbele lya Farao, kubona eco cicitika. Iyo sanduka kuba nzoka. Mpawo kwaamba, “MBUBOBU MBWAAMBA I MWAMI, Farao, lekela bantu Bangu baunke.””

<sup>144</sup> Musa wakainka kunselelo a kuyo cisowela ansi. I basimabibo bakasika koonse, kacita cintu nciconya. Mpawo Leza waka simpikizya kutumwa kwakwe. Nzoka yakwe yakalya bamwi babo.

145 Sena mwakasola kuyeeya, “Nkokuli inzoka nkozya kali kuunka?” Kuli? Ncinzi cakacitika ku misako? Yoonse yakali mu musako omwe. Mwabona? Wa kabalya, nzoka ya Musa. Nkaambo, cakali cinzi? Ii kusimpikizigwa. Ameni. Aleluya! Wa kajisi kusimpikizigwa kwa kutumwa kwakwe. Wa kakutola. Wa kagwisya bana, nkabela Lwizi Lusalala lwaka njila mu nzila yakwe a kupa nzila.

146 Nkaambonzi? Wa kajisi kutumwa a kusimpikizigwa kwa nkuko. Leza wakali a nguwe, a kubeleka zitondezyo a zigambyo.

147 Pele, oko, ikuti na muntu wakatumba aa Leza wiindakugambya, nguzu zya Leza zigambyakwiinda ziyooaba a kutumwa oko kwa cigambyociinda. Kutali eco nco mwiiya mu Ph.D. a LL.D. a alujebra, a zintu ezyo zyoonse. Eco citondezya bwaambe bwako bubotu bwa cisyobo a kukanana aa cikambaukilo cindi waamba kuti “aah muntu” mbuli moombe. Pele andi kwaambile cintucimwi. Pele cindi wano jisi kusimpikizigwa kwa kutumwa kwa Leza, kwakapegwa kuli nduwe kwiinda ku Muuya Uusalala, “Ezi zitondezyo ziyo batobela abo basyoma.” Mundi jatile bwaambe obo.

148 Kusimpikizigwa. Leza wakasimpikizya, nkaambo Wa kali Leza wiindakugambya, wakapa nguzu zigambyakwiinda, ku kuvunwa kwa cigambyociinda. Nda cisyoma.

149 Leza sunu taka vuna bantu Bakwe ku lwiiyo. Ta kasyomezya kucicita. Ta kaba vuna ku lwiiyo lwabukombi. Ta kasyomezya kucicita. Ta kabavuna ku sayaansi. Ta kasyomezya kucicita. Ta ka bavuna ku kabungwe. Ta kasyomezya kucicita. Pele Uyo bavuna kwiinda ku nguzu, nguzu zigambyakwiinda, bwa kucinca maumi abo a kubabumba mu bana ba Leza. Ameni.

150 Musa waka jisi kutumwa. Wa kajisi zitondezyo zya kusimpikizya kutumwa kwakwe.

Lino, Jesu, nzila njiyonya, kati, “Ezi zitondezyo!”

151 Musa wakati, “Ino inga Nda baambila nzi? Mbobuti Mbweyo baambila kuti Leza wa bamawisi bakatumwa?”

Kati, “Ncinzi nco jisi mu janza lyako?”

Kati, “Ii kasamu.”

152 Kati, “Ko waalila ansi. Bikka janza lyako mu camba cako, kozwa. Kambauka kuponesegwa kwa Buleza kuli mbabo.” Oko nkusimpikizigwa. Masimpe. “Njo mupa zitondezyo zyoobilo.”

153 Lino, oyo Leza nguonya takonzyi kucinca. Cindi Na katuma Mbungano Yakwe, kuyo vuna bantu kuzwa mu bwaange obu bubu kapati bwamu Egepita bwabana obo zintu ezi zyoonse mozya njizya bantu sunu, Wa kati, “Ezi zitondezyo ziyo batobela abo basyoma.” Muta yoowi kubikka Ijwi eelyo awo, nkaambo bwalo Mbwini. Ndi Ijwi lya Leza. Muta lekeli dyabulosi ku Li pandulula kuzwa kuli ndinywe; nkaambo ta ciluleme. Ula

bamba Ijwi Lyakwe. Lino, Nda syoma eco a coonse cili muli ndime.

<sup>154</sup> Eliya wakatumwa kumusanza. Nda konzya ku mubona cifumo eco. Nda muyeeyela a Jezebele baka jisi nyendo zisyoonto. Pele ngooyu mbwa kabede buzuba obo kaselemuka, mulombwana muniini wakaindi wa lubala aa mutwe, a malezu kalengelela, kaselemuka cifumo eco, kunselelo lya mugwagwa oyo ku Samaria. Alo meso akakkede nkoonya ku julu; akumweta ku busyu bwakwe. Ako kasamu kakaindi kakauma aa mugwagwa. Pele, mukwesu, wa kajisi “MBUBOBU MBWAAMBA I MWAMI.”

<sup>155</sup> “MBUBOBU MBWAAMBA I MWAMI.” Wa keenda nkoonya kuli lya mweendelezi na busyu bwa mwaami, kati, “Takukabi akwalo mume uzwa ku julu mane Nka wiitile.” Ino cakali cinzi? Wa kajisi kutumwa. Sena mvula yakali buzuba bucilila? Peepe. Wa kajisi kusimpikizigwa kwa njyio. Mwabona?

<sup>156</sup> Kati, “Koya kutala okuya, Eliya, a kukkala. Nda mulailila kuba a babelesi a balanda kuboola kuzo musanina.” Aboobo bacikwaangala mboba kamusanizya.

<sup>157</sup> Elyo kuciindi nali atala lya mulundu okuya buzuba bumwi, “Oh,” mwaami wakati, “taakwe cintu ku mulombwana oyo. Njo tuma baalumi bali makumi osanwe. Nse syomi kuti tali cintu pele sikwiindilizya mudaala. Sa tii twa kamuziba koonse awa, kwaambaula kujatikizya Jezebele, mukaintu wangu, kunana misila a zintu zyoonse mbuli eco, kwaambaula makani aa buponi obu boonse kwasunu?”

<sup>158</sup> Elyo mukupona mbuli mukozyanyo wa mulindu mutaanzi, mbuli bunji bwesu to bantu ba Pentekoste mbo bacita! Inzya. Mbo mbubo. Banakazi besu ba Pentekoste, balo bubambe bupati ncobeni bwamasusu mu nkata mpati, a zintu mbuli ezyo, iyyi, inzya, kunana misila, misila, kusama tubbudula. Elyo Bbaibbele yakati, “Ncisesemyo ku meso aa Leza.” Mbobuti mbo konzya kucita ceeco? Mbo mbubo. Baa, yebo ulizi, ikuti na utaminina, mucizi, yebo, cintucimwi cawa, ikuti na wakonzya kusama masusu ageledwe, nkabela Bbaibbele lyaamba . . .

<sup>159</sup> Lino, bunji bwanu nobanakazi ba Pentekoste tamu kalipenti. Taakwe cintu mu Bbaibbele kujatikizya ceeco. Pele mpawo uyo gela masusu ako. Elyo Bbaibbele lya kaamba, kuti, “I mwanakazi oyo uugela masusu aakwe ulaubausya.” Mbo mbubo.

<sup>160</sup> Elyo muyo sama tubbudula, na otu tuniini twakaindi . . . Ino i . . . Mwabona? Kufumbwa mbo cibede, boneka mbuli zisani zya mwaalumi. Elyo Bbaibbele lya kati, kuti, kufumbwa mwanakazi uyo sama zisani mbuli ezyo, “Ncisesemyo ku meso aa Leza.” Mu majwi amwi, “Ci—ci lanunka bubi, kuli Leza. Ci boneka bubi.” Elyo mpawo ikuti na ujisi Muuya Uusalala muli nduwe, uuli ngu Leza, mbobuti mbo konzya kuba bikka kakuli bataminina kuba

a Muuya Uusalala? Baa, buumi bwako bwini bula tondezya kuti kuli cintucimwi cilubide kuli nduwe. Mbo mbubo.

<sup>161</sup> Ndi lizi eco cilaumpa, pele Nda—Nda mwaambila penzi sunumasiku. Tu yandikana kuumpwa kunji nkoba yandikana, a kunabbwa kunji. Mbo mbubo. Ndi penzi, tula losya zintu ezyo. Mukwesu, andi kwaambile, weelede kwiiya ma ABC ako kotana kuya ambele kuli konse, nywebo mwabona, mbo mbubo ncobeni, lyoonse kusyoma kuti Ijwi lya Leza lili luleme. Takukwe makani mbo cibede, kweezyanisya buyo a Ceeco. Iiyi, munene.

<sup>162</sup> Eliya kakkede atala lya mulundu okuya, elyo Leza wakati, “Lino, toka nyonganisigwa.” Kati, “Ndiyo mutumina kutala okuya kusikila balo bantu beempwa.”

<sup>163</sup> “Oh,” Ahabu wakati, “ta tweelede kucita kweempwa kuli koonse. Oyo sikwiindilizya mudaala, ta zyi eco nca ambaula. Ngu umwi wabo babumbulusi basalala bakaindi. Tu buyo. . . Kondipa bantu bali makumi osanwe ba bantu kusala. ‘Kamuya kutala okuya a kuleta sikwiindilizya mudaala kumusanza.’”

<sup>164</sup> Nda konzya kubona oyo silutwe uuzwidilizya kaamba kuti, “Iiyi, munene. Ndi jisi kutumwa kwako, munene. Njo mujosya ncobeni.”

<sup>165</sup> Ngooyu waboola, kamaccing’a, i—i butale kabuwida ansi, aya mapanga mapati a masumo, a bantu bali makumi osanwe ba kusala balindizi ba Ahabu bakasika kabeenda kutanta cilundu mbuli boobo.

Mpaawo kwakakkede Eliya kutala kuya mu zuba lipya, kalangide koonse mbuli *boobo*.

<sup>166</sup> Ba kati, “Yawe! Twa boola kutobela nduwe, mulombe. Tu jisi mapepa esu a zyelelo awa. Tuli basimpi ba Ahabu. Twa ku tobela. Tuyo kujosya.”

<sup>167</sup> Wa kabuka, kati, “Iiyi, Ndi jisi mapepa amwi azyeelelo, ambebo. Ikuti na Ndili muntu wa Leza, auloke mulilo kuzwa ku julu.” Cakali cinzi? Ca kali kusimpikizigwa. Iiyi, munene.

<sup>168</sup> Aa Cilundu ca Karimeleki, cindi na kajisi kazekelo aakati ka tuleza twa bubeji a Leza wa bwini. Wa kabikka cituuzyo kubusena, wakeenda okuya, a kuti, “Mwami Leza wa Abrahamu, Izaka, a Israyeli, acizibwe sunu kuti Nduwe Leza mu Israyeli, alimwi Ndili mulanda Wako, alimwi Nda cita koonse oku ku kulailila Kwako.”

<sup>169</sup> “Kambauka Ijwi,” ku kulailila Kwako, Mwami, “ku inyika yoonse, ku bantu boonse. Ezi zitondezyo ziyo batobela abo basyoma.” Kulailila kwako.

<sup>170</sup> “Lino, Mwami, acizibwe kuti Wa ndaambila kucita ceeci. Wa kandituma kucita ceeci, lino ko kusimpikizya, Mwami.” Elyo kutandila ciindi eco, mulilo wakawa kuzwa ku julu. Ca kali citondezyo ca ncico. Wa kali a Ijwi. Mwabona?

<sup>171</sup> Leza lyoonse ulatondezya Ijwi Lyakwe. Ula—Ula pa kusimpikizigwa kwa Ijwi Lyakwe. Lino, tu lizi kuti obo mwini. Oh, nziindi zyangaye ezyo. . . Tu jisi basyakacite baandeene awa abo bakonzya kuzumanana ncobeni kuyaansi. Pele kuvuna ciindi. . .

<sup>172</sup> Jesu, cindi Na kasika aa nyika, elyo ba kati, “Walo, mukuba Muntu, kalibamba Leza Mwini? Oh, ma! Ee, tu lizi kuti Wa kalini. Wa kazyalwa kali wamusokwe. Baa, Ta citi akwalo. . . Tu lizi banyina Bakwe, Mariya, a Josefa. Ba kajisi mwana oyo kuba- . . .”

<sup>173</sup> Jesu wakati, “Ikuti na Nse citi milimo ya Taata Wangu, nkokuti muta Ndi syomi. To syomi kuti Ndime Mesiya? I milimo Nje cita isimpikizya eco Nce taminina. Ikuti na Nse citi milimo ya Taata Wangu, nkokuti muta cisyomi. Pele ikuti na Nda cita milimo ya Taata Wangu, nkokuti amu syome milimo, nekubakuti tamu konzyi ku Ndi syoma.” Oko kwakali kusimpikizigwa. Mbobuti eco mbo caka beelela? Masimpe. Kati. . .

<sup>174</sup> Leza, oyo Leza ngwa tuma, Leza ulamukwabilila. Leza ulatondezya Ijwi. Ikuti na Leza wakatuma mwiiminizi kubusena bumwi, ku cita cintucimwi, We elede kwiima kunze Iya kutumwa oko. Mbo mbubo ncobeni.

<sup>175</sup> Wa kati, “Ikuti na Nse citi milimo ya Taata Wangu, nkokuti tamu—tamu Ndi syomi, pele,” kati, “i milimo njionya Nje cita ilatondezya kutumwa Kwangu.” Amen. Eco cauma ncobeni kuti bauma. Embo na? “I milimo Nje cita.” Inzya. Iiyi, munene. “Ikuti na tociti, ikuti na tokonzyi kusyoma kuti Nda katumwa aa Leza, mpawo cintu kuli ndinywe cakucita nku syoma ceeco, milimo Nje cita, na, andi ku bone kucita milimo njionya,” mbaabo we, “ikuti na tamu Ndi syomi.” Ci. . . Oh, ma!

Kuli bamwi babo baka Mu syoma.

<sup>176</sup> Cindi mwanakazi ku mukalo na kabona citondezyo Cakwe ca Mesiya, waa kati, “Tu lizi kuti Mesiya ulacita eco.” Kainka a kwaambila bantu, kati, “Amuboole, mubone Oyo Ngwe jana, Muntu oyo wandaambila maseseke ngaonya aa moyo wangu. Sa oyo tali Mesiya?”

<sup>177</sup> Ol ‘Nataniyeli, cindi na kapiluka a Filipino, nkabela Jesu. . . wakeenda kumbele mu Busyu bwa Jesu, elyo Jesu wakati, “Amubone mu Israyeli muli nguwe mutakwe luuni.”

<sup>178</sup> Lino, wa kali muntu wakayiisigwa, nkaambo wa kalizi Ijwi. Wa kalizi kuti Mesiya uyooba musinsimi wa Leza. Aboobo ba kalizi kuti Musa wa kaamba boobo. “I Mwami Leza wanu uyo busya musinsimi.” Uli zyi akwalo, kuti Leza wakati, “Ikuti na kuli umwi akati kanu, uli ngu simuuya na musinsimi, Mebo, Mwami, uyo mu simpikizya. Njo. . . Eco ncaamba, cacitika, mpawo amu cisyome.” Mwabona? Ba kali kuyanda kuziba na Mbwa kabede. Ba kalizi kuti kwa keelede kuba musinsimi



wakali kubuka kutandila ciindi eco, alimwi bayanda kuziba Oyo Mbwa kabede.

179 Aboobo wa keenda kumbele mu busyu bwa Filipo, nkabela Filipo waka mwaambila cakucita. Na, Filipo waka mutola okuya mu Busyu bwa Jesu, mubwini.

180 Elyo cindi na keenda kumbele lya Jesu, Jesu wakati, “Amubone mu Israyeli muli nguwe mutakwe luuni.”

“Mbobuti Mbo kandiziba, Rabi?”

181 Kati, “Katana kwiita Filipo, cindi noli kungsi lya cisamu, Nda kubona.”

182 Wa kati, “Rabi, Yebo uli Mwana wa Leza.” Nceeco cakali zyeelelo Zyakwe.

183 Ii mwanakazi ku mukalo, cindi Na kamujana kaimvwi kuya ku mukalo, Wa kati, “Ko Ndi letela akunywa.”

184 Waa kati, “Tacili cilengwa. Uli mukuzwa koonse ku kansiyansiya kesu—kesu—kesu awa. Tu jisi lusalululo lwa mikowa. Swebo toba Juda aba Samariya tatukwe luswaanano kuli umwi aumwi. Yebo mukuba mwaalumi, mu Juda, a mebo nde mwanakazi Musamaria, mbobuti mbo Wa ndilomba Ku kupa luziyalo, Ku letela akunywa?”

185 Wa kati, “Mwanakazi, ikuti nolizi kuti Nguni ngo wambawida, nowa Ndi lomba aakunywa.”

186 Elyo waa kati, “Baa, mukalo mulamfu. To jisi cintu caku tesya.”

Wa kati, “I meenda ayo Nge pa taali mu mukalo oyo.”

187 Kuyabuya, kazumanana, mubandi waka zumanana kaindi kaniini, mwabona, mane Walo, eco Nca sola kucita: Kukwaba muuya wakwe, mpawo Wa kajana awo penzi lyakwe mpo lyakabede. Kati, “Koya kalete mulumi wako muboole okuno.” Yanda nguwe, kuziba Obo Mbwa kabede. Kati, “Koya, kalete mulumi wako muboole okuno.”

Waa kati, “Nse jisi mulumi.”

188 Kati, “Mbo mbubo. Wa kajisi bosanwe, nkabela oyo ngo pona awe lino tali mulumi wako.”

189 Waa kati, “Munene, Nda kuziba kuti Uli musinsimi.” Kati, “Tu lizi cindi Mesiya aboola Uyo cita ceeco.”

Wa kati, “Ndime Oyo wakaambaula kuli ndinywe.”

190 Waa kaboola mu munzi. Wa katondezegwa kuli nguwe. Waa kanjila mu munzi a kuti, “Amuboole, mubone Muntu Oyo wandaambila zintu Nze kacita. Sa oyu tali nguwenya Mesiya? Sa oko takuli kusimpikizigwa kuti Mbwa bedede?”

191 Jesu wakati, “I milimo njionya Nje cita isimpikizya kutumwa Kwangu.” Mbo mbubo. Leza waka Mu tuma. Wa keelede kuba Musinsimi oyo.

192 Nywebo mulizi, ba kati kuli Johane, “Sena nduwe Eliasi? Sa—sa uli umwi wa basinsimi? Sa nduwe oyo Musinsimi w keelede kusika?”

193 Johane wakati, “Nseli obo. Pele Uli imvwi akati kanu, abusena bumwi. Uyo litondezya Mwini cindi Aku boola, nkaambo Leza uyo Mu simpikizya.” Mbo mbubo ncobeni. Ikuti na muntu wakatumwa aa Leza, Leza uli sinikizidwe kusimpikizya muntu oyo, mbo mbubo ncobeni, kuti wa katumwa. Oh, iiyi, kusimpikizigwa.

194 I muntu oyo wakazyalwa kali moofu, waka jisi ku balamy maningi bumboni kuti Wa kali Mesiya. Lino, muntu mucete, ta kacita—ta kacita. . . Cindi basilwiiyo boonse lwabukombi niba kamujata mu bbunga kutala okuya, a kuti, “Yawe, tu lizi kuti wakazyalwa kali moofu.” Kati, “Tu lizi kuti—kuti to kajisi zikoye zya meso, akwalo mu mankolyo.” Kati, “Tu lizi kuti waka zyalwa kali moofu.” Wa kati, “Nguni wakuponya?”

195 Elyo wa kati, “I Muntu waka ndaambila kuti Nda kaponesegwa.” Kati, “Ndi lizi kuti Wa kandiponya.” Kati, “Ndi—Ndi—Ndi licizi.”

196 Kati, “Ee, lino, oyo Muntu ngu sizibi. Tu lizi kuti Ngu sizibi, nkaambo Ta kasangana kabunga kesu. Ta kaboola nzila yesu. Ta yiisiyi njiisyo yesu. Ula tulwana.” Kati, “Tu—tu lizi kuti Ta konzyi kuba ca Leza. Tu lizi kuti kuli cintucimwi cilubide kuli Nguwe, nkaambo Ta kazuminana a ndiswe.” Kati, “I Muntu ngu sizibi.”

197 Lino, oyu muntu moofu mucete taka konzya kukazya kaambo keni, ta kali silwiiyo lwabukombi, ta—ta kakonzya kukazya kaambo keni. Wa kati, “Lino. . .” Pele wa kajisi kukanza maningi kukazya ayalo. Wa kati, “Naa Ngu sizibi, na pe, Ta ndizi. Pele eci ncintu comwe Nce zyi,” ameni, “awo Mpe kali moofu lumwi, Nda bona lino.”

198 Nda kamvwa bantu kabaamba kuti eyi yakali nkamu ya bantu basondokede. Nda kajisi bantu ba ndaambila, cindi Ne katambula Muuya Uusalala, kuti Nda nyongana mizeezo yangu. Ee, naa mbo mbubo, na pe, Ta ndizi. Pele kuli cintu comwe Nce zyi: omo Mwe kali sizibi lumwi, Nda kafutulwa lino. Mbo mbubo. Omo Mwe kasweeka ciindi cimwi, Nda kajanwa lino. Inga wa ciita kuti ciimo cakwiindilizya, kufumbwa mbo yanda, pele nkusimpikizigwa kuli ndime kuti Walo ucili Jesu Kristo mbobuca nguwenya, sunu, amuya myaaka. Mbo mbubo. Iiyi.

199 Wa—wa—wa kajisi bumboni. Wa kajisi mubandi ulamy maningi Ngwa kali. . . Wa—Wa kajisi. . . kuti Wa kali Mwana wa Leza, nkaambo Wa kapanga zikoye mu muntu oyo wata kajisi zikoye zya meso. Iiyi, munene. Majwi amwi, muntu moofu wakali kukonzya kwaamba kuti, “Nda kali kuboola ku mbungano yako ciindi eci coonse. Nse boni cintu mbuli ceeco cicitika koonse awa. Mpawo ikuti na Wa kalenga zikoye, kwiina Cilenga cita Leza.

Nkokuli nko cikonzya kuzwida? Atu ku bone kucicita. Atu bone nzila mbo cicita.”

<sup>200</sup> Ba kacita kujala. Balo kabaambaula zya Leza uugamyakwiinda, Mulengi mupati wa majulu a nyika, nkabela taka konzya kulenga buumi bubotu. Mwabona? Nceeco we. Takakonzya kulenga cintu.

<sup>201</sup> Pele mpaawa kwaboola Jesu a kubikka zikoye mu muntu oyo wata kajisi zikoye, wakazyalwa kali moofu. Nda mwaambila, oko nkulamya. I cizibyoye ca kusunda nku cilya. Mbo mbubo ncobeni. Aboobo wa kajisi bumboni kuti Mbwa kabede. Mbo mbubo.

<sup>202</sup> Nda yeeyela Paulo, okuya busiku obo, cindi mazuba a masiku ali kkumi aone, alimwi taakwe mweezi, nyenyeezi, na cintu, Okuya ku lwizi olo; muntu mucete muniini kakwela ezyo nketani aa bwalo lya bwaato bwakaindi bwaka zwide maanzi, alimwi cakali kutandila kulibambila kuunka kunselelo. Ba kasowa cakulya coonse a zintu, nkabela basimaato tiiba kali kulya kwa mazuba manji. Elyo kakwela nketani ezi, kwaambaula kujatikizya Jesu oyo wakali kupona ciindi cimwi, kaambaula kujatikizya Jesu waka bambulwa.

<sup>203</sup> Nda yeeyela balo basilumamba a basimaato bakati, “Oh, ma yawe, amuumune!”

<sup>204</sup> Kazumanana buyo kweenda kulanduka, kwaamba, “Pele, nywebo mulizi, Ngu mbobuca nguwenya, sunu, amuya myaaka,” Kweenda buyo mpowa, aa bwalo, nke kwela nketani ezi.

<sup>205</sup> Kati, “Langa mulombwana mu nketani, mulombwana uunka kuli Kaisara okuya, okuya ku Rome, kuyo pegwa mulandu. I muntu weeleda kufwa, elyo mpawo kwaambaula makani aa cintucimwi kujatikizya bukombi. Oh, umuna!”

<sup>206</sup> Elyo baka zamanana kukwela. Pele, busiku bumwi, cindi bulangizi boonse nibwa kamana! Oh, ma.

<sup>207</sup> Ciindi coonse kumweka kwa lulabo, mayuwe, ali zyuulu zili kkumi akakkala aa lwizi, kati, “Twa kujata lino, Paulo. Oh, uyo cijosya.”

<sup>208</sup> “Peepe, munene. Ngu mbobuca nguwenya, sunu, amuya myaaka. Mbo mbubo. Ndi lizi kuti Wa kandaambila kuya ku Rome.”

<sup>209</sup> Ngooyu we, kayumbaana, bwaato butandila kubbila. Amuyeeye buyo, zuba, mweezi, na nyenyeezi tii zyakamweka kwa mazuba ali kkumi aosanwe, na kkumi aone. Eco nciimo cibyaabi; bwaato bwakaindi bwakazwide meenda, a cintu cijatikizya kuselemuka, zintuzyonse mbuli ezyo.

<sup>210</sup> Wa kaliimvwi kunselelo mu cibeela ca bwaato, busiku bumwi, kakomba, kwiina kuzumbauzya, elyo mpaawo kwakasika cilengaano. I Angelo wa Mwami wakalibonya kuli nguwe, kati, “Uta yoowi, Saulo. Zintuzyonse zili kabotu.”

211 Ngooyu waboola, kazuzaana, a kutumwa, kazunganya nketani, kaamba, “Koba a camba cibotu. Kuba a lusyomo lubotu, nkambo Leza oyo Ngwe belekela wakatuma Angelo Wakwe masiku ainda. Nda kabona cilengaano, nkabela Wa kandaambila kuta yoowa, nkaambo takukabi buumi busweekede mu bwaato obu. Nkikaako, bakwesu, amubweze cakulya ciniini, a kutangala buyo. Zintuzyonse zili kabotu.”

212 Inga ndayeeya kuti bakalimvwa bweenzu loko. Pele cindi niba kajana bwaato bwakaindi kabukkala mu mayubilo kutala, caka simpikizya kuti Paulo wakatumwa kuzwa kuli Leza a kuziba eco ncakali kwaambaula. Leza waka cisimpikizya.

213 “Ikuti na kuli umwi akati kanu musinsimi, a ceeco ncaamba cacitika, mpawo amu muswiilile, nkaambo Ndili a nguwe.” Mbo mbubo.

214 Cindi, basicisi aa kasuwa aka, tusuwa, cindi niba kamubona kabwezelela tusamu, elyo ba kati, “Oyo weelede kuba mujayi umwi mubi, nketani zyoonse ali nguwe.”

215 Paulo muniini mucete, katandila kufwa mpeyo, a zikobela zyakwe kazitetede koonse, kaboola okuno a kubweza cikama a tusamu, a kutalika kutubikka aa mulilo. Elyo nzoka eyo yaka muluma mu janza niya kamujaya, ma, mu kaindi kaniini. Paulo waka cilanga, mbuli *boobo*, a kuti, “Leza, Wa ndaambila kuti Nda keelede kuunka ku Rome.” Wa kaisansamwida mu mulilo, nkabela wakajoka kuya kutebba nkuni zimbi.

Kati, “Amu mulangilile kawa calufu.”

216 Maminiti masyoonto, baka cicinca. Nkaambonzi? Kutumwa kwakwe kwaka simpikizigwa. Ba kati, “Ngu kaleza ako kakaseluka kuzwa ku julu.” Mbubo.

217 Wa kali jisi kusimpikizigwa, nkaambo Jesu wakati, “Bayo lyataula aa mitwe ya nzoka a tubanze, nkabela taakwe cintu ciyo bacisa.” Iiyi, munene. Wa kajisi—wa kajisi i—i bumboni bwa kucitondezya.

218 Lino Nde elede kubinda, beenzuma. Inga ndakkala awa a ndinywe busiku boonse mbuli boobo. Pele zintu buyo zisyoonto zimbi.

219 Lino, musinsimi wakaamba, “Kuyo boola buzuba obo butakonzyi kutegwa isikati na masiku, buzuba busiyasiya, bwa sikunku, butubatuba, pele,” kati, “ku ciindi caku mangolezya kuyooaba Mumuni.” Mbo mbubo.

220 I zuba lilapasuka kujwe, a kubbila kumbo: u-u-na. Lusumpuko lweenda kuzwa kujwe kuya kumbo. Pele cindi M-w-a-n-a nakabuka, Mumuni wakawida ku bantu bakujwe.

221 Lino twa kajisi buzuba bwa kabunga, tubungwe, a bantu kaba tambula Kristo, alimwi baka jisi Mumuni munji ngo bakonzya kuziba kuti Wa kali Leza. Elyo bakeenda mu Mumuni,

azimwi zimbi. Ba kayaka zikombelo, a zikombelo zibotu, a zikolo, azimwi zimbi. Eco cakali kabotu.

<sup>222</sup> Pele, amuyeeye, caka syomezegwa kuti makumbi oonse ayo mwaika mu ciindi caku mangolezya. Nciindi caku mangolezya lino. Elyo cindi makumbi oonse asooloka, oyo Mwana nguonya, M-w-a-n-a, oyo wakamwesya nguzu Zyakwe kwiinda mu Muuya Uusalala aa bantu bakujwe, kacita, mu myaka yamamanino ili makumi osanwe, kadonkola makumbi aa tubungwe a zintuzyonse, a kutila Muuya Uusalala ku bantu bakumbo. Kuti, Mwana nguonya, Muuya Uusalala nguwenya, citondezyo nciconya, Mimuni njiyonya, nguzu nzyoonya, bumboni mbubonya, zintuzyonse nzyoonya Mbo zyakabede. Elyo Makanimabotu aka kambaukwa a nguzu a kutondezegwa, ali onse mu masi. Mbo mbubo. Mbo mbubo. Inyika yoonse, zitondezyo a zigambyo kazitobela basyomi.

<sup>223</sup> Awa, myaka misyoonto yainda, ba kati, “Eco cikamu,” kati, “baa, to kakonzyi.” Kati, “Taba kakonzyi ku cibikka abusena.” Kati, “Balo ncikama buyo ciniini kunselelo okuya mu i—mu kagwagwa kubusena bumwi, a mpani ya kagabba amwi, kauma nsaka imwi niini.”

<sup>224</sup> Pele, mukwesu, mulumbe oyo, a bantu bafwide nzala ba tuula cakulya cabo ca bana babo, a zintuzyonse zimbi, alimwi waka bagwasilizya maminationari, kusikila azwa kujwe, kumbo, kunyika, kumusanza. Kufumbwa cisi nko njila, kuli mililo ya pentekoste iiyaka a nguzu zya Muuya Uusalala.

<sup>225</sup> Nda kaunka kulaale mu zisaka, kusikila bantu teebe kaziba janza lya lulyo a lya lumwensi. Ba kali muzi Leza cintu buyo mbuli cibumbwa cimwi kubusena kuya. Mbo mbubo. Nda kali kunga ndaima awo a kubikka Ijwi ansi mbubonya buyo. Mpawo Muuya Uusalala wakacita zitondezyo a kutondezya, kwaambila bantu kuti bakali bani, maeseseke aa myoyo yabo, kuba tondezya kuti Jesu wakati, “I milimo Nje cita muyo icita anywebo.”

<sup>226</sup> “Oyu muntu, Ta ndizi zina lyakwe, pele Ndiyo lisipela, nkabela wa kali pandulwida ndime.” Inga ndeelela kusipela ndiza kunji *boobo*, ku cijana mbuli *boobo*.

“Ameni. Mbo mbubo.” Niba kakkala a kulanga.

<sup>227</sup> Nda amba, “Lino, Jesu wakati, ‘I milimo Nje cita muyo icita anywebo.’ Eci cakali citondezyo Cakwe ca Mesiya.”

<sup>228</sup> Elyo Jesu uli muni loko kboola ku nyika lino, kusikila nguzu Zyakwe zyatalika kujata bantu, a kuba swaanganya, ku babamba kuba Nabwiinga, kulibambila mu kutolwa mu Kukwempwa, Mbungano iya kweelela kabotu, kuya kutolwa kujuku. Kwiinda mu nguzu Zyazyo, ziyo kwela boonse bamwi babo bakazyalululwa, kuzwa mu nyika. Jesu ulaboola.

<sup>229</sup> Mbuli janza lyangu kali lwana bulambo inga lyapanga cimvule, kunji, cimvule eco cilasakana loko a kusakana loko,

janza lyangu lya swena maningi, kwainda kaindi cimvule a janza lyangu ziba comwe.

<sup>230</sup> Elyo mbungano yaka talikila mu ciindi ca Martin Luther, kungsi lya kululamikwa; kungsi lya Wesley, kwiinda mu kusalazigwa; elyo lino mu lubbizyo lwa Muuya Uusalala, aba Pentekoste, kuboozezya kwa zipego. Elyo kuzwa ku bantu abo ba Pentekoste Uli mukukwela basyaalizi atala *awa*, ku tondezya Jesu Kristo, kutondezya Buumi Bwakwe mbobuca nguwenya, sunu, amuya myaaka, mbubonya, cindi Mimuni yaku mangolezya yamweka. Obo mbombubo.

<sup>231</sup> Amulange, mpoonya aa citondezyo casayaansi, tuli cijisi moonya mu Washington, DC, oyo nguonya Musumpululu wa Mulilo. Mbangaye bakasola ku Ci bona, Mimuni eyo? Masimpe. Koonse. Mwabona? Mwabona? Oyo nguwenya Musumpululu wa Mulilo waka swaana Paulo, mu lweendo kuselemukila ku Damasiko. Jesu, cindi Na kali aa nyika. . .

<sup>232</sup> Kufumbwa muntu ulizi kuti Kristo, kuti—kuti Musumpululu wa Mulilo, i Angelo wa Mwami oyo wakaleta Israyeli kuzwa mu Egepita, kuya mu nyika ya cisyomezyo, wakali Angelo wa cipangano. Kufumbwa muntu ulizi obo. Masimpe. Ee, oyo wakali Kristo.

<sup>233</sup> Nkaambo, Bbaibbele lya kaamba, kuti, “Musa wakasala kusampaulwa kwa Kristo buvubi bunji loko kwiinda lubono lwa Egepita.” Elyo wa kaunka a Kristo, Ka tanaba mu mubili wabuntu, nkabela wa katobela Mumuni oyo.

<sup>234</sup> Jesu, cindi Na kali aa nyika, Wa kati, “Ndi zwa kwa Leza, alimwi Ndi inka kuli Leza.” Ba ka Mu bambula. Wa kali Mufutuli oyo wakafwida zibi zyesu, nkabela wa ka Mu zikka. Wa kabuka a kutanta Kujulu.

<sup>235</sup> Elyo myeezi misyoonto kumane ceeco, Paulo wakali mu lweendo lwakwe kuselemukila ku Damasiko, elyo wa kauminwa ansi ku Mumuni. Ii cikama ca basilumamba a nguwe, taakwe wabo waka Ci bona. Taakwe wabo waka Mu bona cita buyo Paulo. Pele Ca kali cisyomesyo loko—cakali cintu cini kuli nguwe, kusikila Ca kazima meso akwe. Wa kali moofu kwa ciindi ceelede. Elyo wa kalanga mujulu okuya, nkabela oyo Musumpululu wa mulilo mupati ncobeni kaulengelela kumbele lyakwe, elyo Wa kati, “Saulo, Saulo, nkaambonzi nco Ndi penzya?”

Wa kati, “Nduweni Yebo, Mwami?”

<sup>236</sup> Wa kati, “Ndime Jesu, alimwi nciyumu kuli nduwe kusansa cibinzyo.”

<sup>237</sup> Lino, oyo Muuya Uusalala nguwenya, tula Ujana mpoonya akati ka bantu ba pentekoste sunu, Mumuni waku mangolezya, nkoonya kunselelo akati ka bantu ba pentekoste. Inzi? Kukambauka Makanimabotu ngaonya, kupa

kusimpikizigwa kwa Makanimabotu ngaonya. I zitondezyo nzyoonya zyakatobela kuli zitondezyo nzyoonya zitobela lino.

<sup>238</sup> Elyo ikuti na oyo Musumpululu wa Mulilo, na Mumuni, oyo ngo tujisi a ndiswe, tii cakaleta Muuya nguwenya a bumboni mbubonya obo Mbo wakacita cindi Ni wakali muli Jesu Kristo, mpawo inga waba musumpululu wa mulilo uutali nguwo, muuya mubi, kuba cintu cilubide. Pele ikuti na Ca leta a kucita mbubonya buyo eco Jesu nca kacita, cindi Na kati i... “Oyo usyoma ali Ndime, milimo Nje cita uyo icita awalo.” Yaa.

<sup>239</sup> “Minji kwiinda eyi uyo icita, nkaambo Nda inka kuli Taata Wangu.” I King James ijisi “mpati maningi,” pele amulange mu ntaanzi, ilaamba “minji.” Inga tocica mipati maningi ili yoonse. Wa kabusya bafu, a kwiimika bulenge, a zintuzyonse. Pele Wa kali kukonzya kucita kunji kwa ncico, nkaambo Muuya Uusalala tii wakali buyo mu Muntu omwe, Kristo, Mwana wa Leza, Cakali mu Mbungano yoonse munyika. “Minji kwiinda eyi muyo icita, nkaambo Nda inka kuli Taata Wangu.” Oh, ma!

<sup>240</sup> Mulimo Wakwe nguwenya kauimininwa okuno ku mazuba akumamanino. Ino musyobo nzi wa mulimo Ngwa kajisi? Amu Mu lange, mbuli Mbwe kali kumuleta kunselelo, kutondezya kuli mbabo.

<sup>241</sup> Atu bweze mu Juda omwe. “Wa kaboola kuli Bakwe beni; Bakwe beni tii baka Mu tambula.” I bantu mbabonya bataanzi bakasika kuli Nguwe bakali Andrey a Filipino. Ta ndizi eco caka zumanana mu mubandi oyo, mu ng’anda a Jesu busiku obo cindi nibaka Mu tobela. Pele buzuba bwakacilila, Andrey a waka kcutila loko cakumaninina kuti oyo wakali Mesiya. Wa kamutondezya cintucimwi, kusikila wa kainka kugama kuli Petro, munyina, na—na Simooni, elyo wa kati, “Muta booli lino a ku tulekela kuunka a kubona ikuti na eci mbocibede.” Wa kati, “Twa mujana Mesiya.”

<sup>242</sup> Inga ndayeeyela Petro kaamba lino, “Lino, Andrey a, lino andi kwaambile cintucimwi, mulombe. Lino, nywebo mulizi taata wesu mudaala wakali mu Farisi mubotu. Elyo wa ka twaambila, Nda yeeya kakkede ku lubazu lwa bwaato buzuba bumwi, wa kati kuli ndime, wa kati, ‘Lino, lino, lino, Simooni, taata ulangila kubona Mesiya. Elyo kwiina kuzumbauzya pele Mesiya katana boola kuyooba misyobo yoonse ya zintu kucitika, misyobo yoonse ya tukamu twazilengwa zita tonkomene kubuka. Pele andibe masimpe...’ Elyo kwakaba. Oh, iiyi. Bantu bakasika, bakasololelwa kuzwa ku zyuulu, a kuloba, a zintuzyonse. Pele, wa kati, ‘Pele andi kwaambile. Twe elede kukkala a Ijwi, Simooni. Lino, Bbaibbele lilati, Musa, mulanda wesu, mulanda wa Leza kuli ndiswe, ka twaambila, kuti, “I Mwami Leza wesu uyo busya Mesiya oyu, alimwi Uyo oba musinsimi mbuli Musa.” Lino, lino, Simooni, ikuti na wa Mu bona mu buzuba bwako... Ndili cembeede kapati lino. Nse ka

Mu boni mu buzuba bwangu. Pele ikuti—ikuti na wa Mu bona mu buzuba bwako, koyeeya, Uyo oba Leza-Musinsimi.” Aboobo Simooni waka jisi ceeco mu moyo wakwe. Wa kati, “Ncibotu, Andrey. Ndiyo unka kutala ku muswaangano.”

243 Mbwa keendela buyo mu Busyu bwa Mwami Jesu, Wa kati, “Zina lyako ngu Simooni. Bauso bakali Jona.” Eco caka cibamba. Wa kapegwa zijaluzyo zyaku Bwami. Eco cakali citondezyo ca Mesiya.

244 Mpaawa kwakasika mu Juda umbi usinizizye, kati, “Lino, lindila aniini. Ikuti na Mesiya uyo boola, Uyo selukila mu tuzila twaku Julu, a kuselemukila ku tempele lyesu, pati bbotu loko ndyo twa kayaka awa abusena bumwi,” mbuli bantu bamwi baliko awa basyoma kuti Uyo boola ku tempele limwi. “Elyo Uyo seluka awa, alimwi inga Uyo mwesya mpoonya ansi *awa*, nkabela Baangelo bayobamuna mababa abo, zintuzyonse. Ba lati, *Oyu* ngu Mesiya. *Oyu* ngu Mesiya. *Oyu* ngu Mesiya.’ Oyo uyooba.”

245 Nda konzya kumvwa Filipino kati, “Lindila aniini. Toli wa Lugwalo a ceeco. Kokkala a Ijwi. Ncinzi Musa nca katwaambila kuti Mesiya uyo oba? ‘I Mwami Leza wanu uyo busya musinsimi.’ Mula yeeya mudaala oyo wakali kubusena okuya, wakaulikidwe kuti Petro, Simooni?”

246 “Iiyi. Oh, oyo mulombwana mudaala taka jisi lwiiyo lumwi? Iiyi. Nda muyeeya. Inzya. Nda muyeeya.”

247 “Wa—wa kaula nswi kuzwa kuli nguwe, nkabela ta kakonzya kusaina risiiti yako.”

“Inzya. Ee, Nda muyeeya. Nda muyeeya. Inzya.”

“Baa, cindi na keenda kumbele. . . Uli bazi bawisi?”

248 “Ee, masimpe. Nincobeni Nda kalizi bawisi kabotu loko. Wa kali mu Farisi wini, iiyi, sicikolo wini. Iiyi.”

249 “Ee, cindi Simooni nakasika kumbele Lyakwe, Wa kamwaambila zina lyakwe mbo lyakabede, a zina lya bawisi mbo lyakabede.”

250 “Aah, lino Nda syoma mwazwa ku mamanino asakene. Andi inke, mwabona. Ta kabali mizeezo yangu. Ndiyo unka kuyo ziba.”

251 Kweenda kumbele okuya, Busyu bwa Jesu, nkabela Jesu wakati, “Amubone mu Israyeli muli nguwe mutakwe luuni.”

Wa kati, “Sena waka Mwa ambila kuti wakali kuboola kutobela ndime?”

Kati, “Peepe.”

252 Wa kati, “Rabi,” eelyo lyaamba *simalala* na *mwiiyi*. “Ndelili Niwa kasola kundi bona? Nda boola buyo mu muswaangano oyu sunumasiku. Cindi Wa sola kundi bona?”



253 Kati, “Katana kwiita Filipo, cindi noli kungsi lya cisamu, Nda kubona.” Ino meso!

254 Wa kati, “Rabi, Uli Mwana wa Leza. Uli Mwaami wa Israyeli.”

255 Pele mpaawo kwakaimvwi abo bakwesu bapati ncobeni batubungwe kabaimvwi alya. Ba kati, “Yebo ulizi cintu na? Ula cita eco kwiinda muli Bezebule.” Mwabona? Ba kacita kwiingula ku mbunga yabo. Ba kajisi zyelelo zyanyika.

256 Wa kajisi bamwi Bakujulu, mwabona, nkaambo Musa wakati, “Uyo oba musinsimi,” elyo mpaawa Wa kali, kutondezya kuti Wa kali Musinsimi. Mbo mbubo. Wa kasimpikizigwa. Kutumwa Kwakwe kwaka simpikizigwa.

257 Aboobo wa kati, “Lino, Ndi lizi kuti oyu Mulombwana ucita ceeco. Pele Wa . . .” Wa kacita kwiingula mbunga yabo. Kati, “Kwiinda kuli Beezebule Ula cita eci, Ula tanda badyabulosi.”

258 Jesu wakanyona, kuziba miyeeyo yabo. Wa kati, “Wa amba eco kulwana Ndime, Mwana wa muntu, Njo mujatila kuli ncico.”

259 Lino, tiiba ka caamba kumvwika. I Bbaibbele lyakati, “Ba kaciyeeya mu myoyo yabo, nkabela Wa kaziba miyeeyo yabo.” Amu cilulamike. Iyi, munene. Kati, “Balo, kaziba mu myoyo yabo.” Mwabona? “Wa—Wa—Wa kaiziba myoyo yabo, kuyeeya kwabo.”

260 Kati, “Lino, ikuti na waamba kuti kulwana Ndime, Mwana wa muntu, Ndiyo mujatila. Pele buzubabumwi, kulaale kumusanza mu inyika ya Bamasi, mwabona, i Muuya Uusalala uyo boola Nda kumana kuunka, alimwi Uyo cita cintu nciconya. Elyo ku kanana bbala lyomwe Kuu sampaula taku kajatilwi, mu inyika eyi nanka inyika iiciza.”

261 Ka Tana kuzwa aa nyika, Wa kaamba eci. Wa kati, “Mbuli mbo kwakabede mu mazuba akwa Sodoma, mbubonya mbo kuyooba ku kuboola kwa Mwana wa muntu.” Ndi yanda kwaamba oku, a kujala. “Mbuli mbo kwakabede mu mazuba akwa Lota, kumusanza okuya mu Sodoma,” atu bone mbo cakabede.

262 Wa katondeka, lutaanzi, ku—ku mazuba akwa Nowa. Wa kaamba eco ncobakali kucita. “Kulya, kunywa, kukwata, kupa mu lukwatano.”

263 Pele cindi Na kasika ku Sodoma, amulange eco Nca kacita ku Sodoma. Ku Sodoma: Wa katondeka kuli *ceeco* ku bukkalo *obu*. Lino, amuyeeye, bana Sodoma bakali Bamasi. Mwabona? Amubone. Elyo mpaawo kwakasika Bantu botatwe, buzuba bumwi, kuli Abrahamu.

264 Lyoonse kuli misela yotatwe ya bantu, abo: batasyomi, basikuli kozyanisya, a basyomi. Tu ciba jisi asunu. Mbo mbubo. Batasyomi, balicengezya, a basyomi; Banasodoma, bana Lota, abana Abrahamu.

265 Abrahamu waka jisi cisyomezyo. Wa kali nkamu yakasalwa, bakaitwa kuzwa abo bakali pambula mwini, mbuli Mbungano ini ya Leza muumi yali pambula Ini kuzwa ku zintu zya inyika, nkaambo wakali kuyaamina ku cisyomezyo ca Leza. Nkokuli Baangelo nkoba kasika, lutaanzi? Kuli Abrahamu.

266 Ncinzi cakacitika? Bobilo babo baka selemukila mu Sodoma, ba Billy Graham basyaasunu, okuya ku Sodoma, kakambauka Makanimabotu, kutali maleele manji, kubauma buyo kuti bofwaale. Kukambauka Ijwi lila bauma kofwaala. Aboobo teebe kacita maleele manji, pele bakali kwiita kuti, “Amuzwe kuli ncico.”

267 Pele kwakali Umwi wakali kwaambaula kuli Abrahamu. Nywebo mulizi, Abrahamu waka jisi kulimvwa kweenzu. Nywebo mulizi, kwakali cintucimwi kujatikizya Muntu oyo, eco cakali andeene aniini, elyo aboobo wa ka Mu langilila aniini, nywebo mulizi. Elyo wa kaambila Sarah, kati, “Lino, kojokela mu tente.”

268 Mubwini, lino mu mazuba ayo cindi mweenzu nakasika, banakazi teebe kalilemeka mbuli mbo bacita sunu. Ba cita kuzuza ncobeni kumasena akulibikka beni kumasena, elyo kubweza busena bwa bamaalumi. “Elyo to konzyi kusambala ezyo, Johane, citakuti Nda kwaambila kucita.” Mwabona?

269 Banakazi baka jisi kulilemeka kweelede mu buzuba obo. Ba kakkala kusule mu ng’anda, nywebo mwabona. Aboobo Ba kasika okuya, nkabela Sarah wakakkala mu tente.

270 Aboobo wa kazuzila mukati, kati, “Sarah, wakanda fulawa aniini cakufwambaana. Gwisya mulwi oonse kuzwa kuli ncico. Jika cimwi a ceengelo, ncinkwa calo.”

271 Kainka a kubweza moombe, a kumujaya. Elyo wakaunka, kati, kabaambila kuti, “Ko ufunda lino a kumu jika.”

272 Wa kaunka kuya akubwe citeo caku tanzya inzii, a kutalika kutanda nziniini. Elyo waka sanzya matende Aabo.

273 Wa kalizi, kuli cintucimwi ciniini cakali kupya mu moyo wakwe. Inga wa caamba buyo, nywebo mulizi, cimwi. Wa kati, “Nkooko kutumwa, Nda syoma. Lino, cintu cilikke, ikuti na Nda konzya buyo kubona oko kutumwa kusimpikizigwa. Nda syoma Bali kujisi.”

274 Wa kati, “Yebo ulizi, Yebo—Yebo wakainda muni, kuti undibone. Ako nkekaambo Nco boola nzila eyi.” Eco cakali luleme. Mwabona? “Kakkala kuni lya mubanga, aniini, a kulyookezya.” Aboobo wa kasanzya matende Abo, kuciindi noba kabamba zintu.

Ba kakkala ansi a kulya.

275 Elyo—elyo oyo wakali Leza, Leza Singuzuzyonse. I Bbaibbele lyakati mbo cakabede. Amulange okuya a kubona ikuti na ta lyaambi kuti mupati M-w-a-m-i, Elohimu. Mbo mbubo.

276 Mbuli muntu umwi mbwa kaamba, ziindi zinji, kati, “To syomi kuti oyo wakali Leza.”

Nda kati, “Wa kali Leza. Bbaibbele lyakati mbo cakabede.”

“Yebo. . .” Kati, “Leza mu mubili oyo, kalya nyama?”

277 “Ca kali masimpe. I Bbaibbele lya kaamba boobo. To—to mvwisi obo Mbwali mulemu.” Mbo mbubo. Ndili kkomene kuti inga Wa cita ceeco.

278 Ee, cintu biyo, nywebo mulizi, tu pangidwe buyo a tuntu tuli kkumi acisambomwe: petroliamu, mumuni wa kkozimiki, kkaushiamu, potashi, a zintu zisyoonto mbuli ezyo. Ee, Wa katambikizya buyo a kubweza basyoonto babo, kaunka “Fyuu! Kanjila omuya, Gabriyeli,” mwabona, Angelo. Jisi janza limbi, kaunka, “Fyuu!” Kati, “Konjila muli ceeco, Mikayeli.” Wakaunka, “Fyuu!” kanjila muli nguwo, Mwini. Ndili kkomene kapati kuli ceeco. Mwabona? Kaboola keenda kuzwa, kati, “Ndiya kunselelo.” Oyo ngu Leza wesu.

279 Bumwi bwa mazuba aya, tuntu otu toonse tuyo unka. Pele Uyo amba, “William Branham?”

Njo amba, “Mpaawa Mpendi, Mwami.” Walo mupati. Inzya.

280 Kati, “Nde elede kuliiminina Lwangu kumbele lya mulanda Wangu kumusanza okuya, nkabela Ndi yanda kuba muntu mbuli nguwe.” Aboobo Wa kaselemuka buyo, kakkala alya, lusuko aa zisani Zyakwe, kakkala ansi a kulya. Kakkala acuuno.

281 Wa kazumanana kulanga ku Sodoma, nywebo mulizi. Abrahamu wakalizi kuti kwakali cintucimwi, nkaambo obo mbusena bubyaa bi bwakaindi, nywebo mulizi. Aboobo wa kazumanana kuyeeya kujatikizya ncico, mbuli boobo. Wa kati. . .

282 Lino, amuyeeye, zina lyakwe lyakali Abram, a zina lya Sarah lyakali S-a-r-r-a, Sarra. Elyo mazuba masyoonto kakutanaba ceeco, Leza waka muswaana mu cilengaano a kucinca zina lyakwe kuli Abrahamu, a zina lyakwe kuli Sarah, S-a-r-a-h. Sarah, “sibwami mukazi.” Abrahamu, “taata wa masi.”

Aboobo Wa kati, “Abrahamu.”

283 Abrahamu wakati, “Oh—oh. Ndi lizi Nda kali luleme. Kuli cintucimwi kujatikizya oyo Muntu ulandeene.”

284 “Abrahamu, uli kuli mukaintu wako,” S-a-r-a-h, “Sarah? Ulikuli mukaintu wako, Sarah?”

Wa kalizi mpoonya awo. “Oh,” wa kati, “uli mu tente.”

Elyo Bbaibbele lyakati, “Wa kali kunze Lyakwe. I tente, kunze Lyakwe.”

285 Wa kati, “Abrahamu, Nda. . .” Bbala lyaamba muntu omwe; Oyo nguwenya wakali kwaambaula kuli nguwe. “Ndiyo muswaya kweendelana ku ciindi ca buumi, mwabona, a Sarah,

nkabela uyooba a muvwanda oyu ngo kali kulindila. Uli myaka ili mwaanda yakukomena lino, alimwi uli makumi ali fuka. Pele, Ndiyo—Ndiyo kupa muvwanda oyu oyo Ngwe kakusyomezya, nkaambo wakali uusyomeka, ku lindila.”

<sup>286</sup> Elyo Sarah, kusule mu tente, waa kati, “Huh.” Ta ka caamba kumvrika. Waa kaseka, muli lwakwe, kati, “Mebo, nde mucembele, kuba a musaalo alubo, a mwami wangu, mudaala mbuli boobo?” Kati, “Ta cikonzayi buyo kuba. Oyo Mulombwana, ino Walo waambaula nzi?”

I Angelo wakati, “Nkaambonzi Sarah waseka?” Humu!

<sup>287</sup> Cakali cinzi? Wa katola ku Sodoma. Kumane buyo kuswaya kwa Angelo oyo, eco citondezyo camamanino caka pegwa, citondezyo camamanino caka pegwa, Sodoma yakapya.

<sup>288</sup> Jesu wakati, “Mbuli mbo kwakabede mu mazuba akwa Sodoma, mbubonya mbo kuyooba ku kuboola kwa Mwana wa muntu.”

<sup>289</sup> Leza wabeleka a Mbungano Yakwe, kuzwa kumatalikilo, kwiinda mu zitondezyo, zigambyo. Pele cintu camamanino cakeelede kuba Leza waka tondezegwa mu mubili wa Mbungano Yakwe, mbuli Mbwa kabede mu mubili wabantu okuya, a kutondezya citondezyo eco nciconya, kuti Mesiya wakali tondezya kale Mwini akati ka bantu, mulilo kautana buyo wida ku buzuba bwamamanino: cipepa ca zyelelo, kusimpikizya kuti Ijwi eelyo Jesu ndya kasyomezya Mbwini. Atu kombe.

<sup>290</sup> Taata wesu Wakujulu, ndi Ijwi Lyako, kusimpikizigwa kwa kutumwa. Eelyo ndi Ijwi Lyako, Taata. Tu konzya buyo ku Ci kanana. Nda Ku lomba ko Ci simpikizya, Mwami. Elyo Ndi lizi kuti . . . Nda ku- . . . komba kuti Uyo ndijatila kulibilika kwangu, alimwi kwangu—alimwi kubula luzibo kwangu, koonse kujatikizya nkuko, a kugusya eyo mizeezo ya bantu, nzila yangu, yaansi ya kusola kuleta mulumbe. Elyo—elyo Muuya Uusalala kauuma ali ndime, Ta—Ta—Ta ndizi nzila ya kucita pele kupa buyo cipulo kuli Nguwo, Taata, kakkede awa a baalumi a banakazi abo bali mbamuzwamasi a beenzu.

<sup>291</sup> Kakuli, inyika yoonse ila zungaana, sunu. Ba—ba lati lino, mu mazuba masyoonto, lino bayo sinda muntu ku inyika yoonse, mu mukondo, ku mutola ku inyika yoonse, kusola kutanta muntu aa mweezi. Inyika yoonse, kaibimba a kuzungaana. Masi maniini, koonse, a tudandamiti oto tuyo bbotoka cidindi mu bulongo, kulampa kwa tukokola tuli mwaanda amakumi osanwe, ku masikkweya maile ali myaanda yobilo amakumi osanswe- na myaanda yotatwe. Otatwe awo ing abbizya nyika yoonse. I inyika yoonse ili mu ciimo cakunyongana nsinga.

<sup>292</sup> I mabungano ali zwide ku Ijwi. Kuli misyobo yoonse ya tubunga a tubungwe tubweza mapepa a zyelelo zyanyika. Elyo—elyo ikuti na tozulilwi kuli mbabo, to konzyi kunamatika mutwe wako muli imwi ya mabungano abo.

<sup>293</sup> Pele, nekubaboobo, mbuli mbo kwakabede kaindi okuya mu ziindi zya Nowa, mbuli mbo kwakabede kumusanza kwiinda mu Bbaibbele, Uciyo tuma basinsimi a balanda Bako, Mwami, a kutumwa, a kusimpikizigwa kunze lya ncico. Leza, Ndili kkomene kapati kuli ceeco, kuti Wa kacisyomezuya.

<sup>294</sup> Elyo lino, Mwami, Wa kati, “Uta yoowi, Okatanga kaniini. Katanga kaniini, nduyando lubotu lwa Taata wako ku kupa Bwami.”

<sup>295</sup> Wa kati, “Mbuli mbo kwakabede mu mazuba akwa Nowa, cindi nkamu eyo niini niya kafutulwa buyo ku maanzi, aboobo mbo ciya kuba mu kuboola kwa Mwana wa muntu.” I mazuba aa Lota, cindi . . . Mu ciindi ca Nowa, “Ba kali kulya, kunywa, kukwata, kapegwa mu lukwatano.” Elyo amu cilange sunu, Taata, tula bona eco. Lino, eco cakali ku inyika ya bubi yakali kucita ceeco.

<sup>296</sup> Elyo lino amulange ku mazuba aa Lota, obo lupilingano, basikoonana mulicabo! Oh, obo inyika, cisi coonse, bunji bwa mfulumende yesu yamena a njiyo, a koonse. Oh, twaligwa mvunyu, Mwami, ku madaimona a nguzu zya sinkondo.

<sup>297</sup> I inyika yoonse ili yoowede kufwa. Elyo cisi cesu coonse . . . Acalo cisi cesu cili mbuli mulombe muniini kainda mu namaumbwe masiku, kayabusiba, kuli tantamuna lwakwe kuzwa ku kuyoowa. Tu lizi cilede ku mulyango.

<sup>298</sup> I mbungano, Mwami, Wa kati, “Kotambya mazwi ako . . . Nyamuna meso ako cindi zintu ezi zyatalika kucitika. Lununuko lwako lwaswena muni.”

<sup>299</sup> I Muuya Uusalala wakatilwa aa Mbungano Yako. Wa kaita bantu ba cisi coonse, Mexico, iituba, Anglo-Saxoni, uusiya, muna Ethiopia, mikowa yoonse yandeene, koonse ku inyika. Mbuli mamissionari Aanu maniini akaindi a Muuya Uusalala mbwa keenda, kafwide nzala, bafwanzala, bunji bwabo baka jaya, kabambulwa, kafubaazya, a zintuzyonse zimbi. Ba kainka kakutakwe mbungano mpati iili yoonse ya kubagwasya. Ba kazumanana kutumwa kwa Leza, a, “Ezi zitondezyo kazi batobela abo basyoma.” Nda kaba swaana mu masena akutolela lusyomo kutala okuya, Mwami. Twa kajisi nguzu zipati zya Leza, zya kukanana mu myaambo, kupandulula myaambo. Twa kajisi lubbizyo lwa Muuya Uusalala, kutondezegwa kwa nguzu.

<sup>300</sup> Elyo lino, Mwami, mbuli Mbo kabweza Abrahamu, kwiiminina Basale, bakaitwa kuzwa. Wa kaleta Abrahamu kwiinda mu lukula olo, kapambulwa. Wa kamutondezya misyobo yoonse ya zitondezyo. Pele citondezyo camamanino cakali cindi Leza, Mwini, wakaliyubulula Mwini mu mubili wabuntu.

<sup>301</sup> Jesu, Wa kati, “Mbuli mbo kwakabede mu buzuba obo, mbubonya mbo kuyooba cindi Mwana wa muntu aboola.” Boola, Mwami. Eli ndi Ijwi Lyako, cakutonkomana mbuli Mbwe Li zyi.

Nda Li syoma, Mwami. Kuli bamwi ano ba Li syoma. Aci citike alubo, Mwami. Aci citike mu Tempe, mbuli kusimpikizya kwa kuswena kwa Mwami Jesu. Ko cipa, Mwami. Ciyo yumya toonse swebo, Mwami. Ciyo yumya bakwesu aba. Ciyo yumya bakutausi Bako koonse. Ciyo yumya basimbungano. Inga catubamba kukkomana toonse. Ko cipa, Taata.

<sup>302</sup> Lino, kuciimo mbuli Mbwe konzya kuunka nkwaamba Ijwi Lyako. Lino, Mwami, ceelede ku Ku bweza kubamba kusimpikizya oko. Nse konzyi. Pele ikuti na nkulailila, Nda kambauka Bwini, Nda syoma, Taata Wakujulu, kuti Uyo Li simpikizya a zitondezyo Nzo kasyomezya kuti ziyo oba mu buzuba obuno. Ko cipa, lino. Nda lipa lwangu kuli Nduwe, a mbungano eyi, a Ijwi. Lino, Taata, tuyo lindila kuli Nduwe, ikuti na Uyo tutondezya buyo kuti Uli akati kesu. “I milimo Nje cita muyo icita anywebo.” Eco ncisyomezyo Canu.

<sup>303</sup> Elyo, Taata, obo mbo cakali kuyo yumya bamwi bakwesu bangu awa, obo mbo cakali kuyo yumya mbungano; kuti cintucimwi citali ca kuyeeyela buyo, cintucimwi nco kaamba, “Inzya, Nda kamvwa eci kukambauka ciindi coonse.” Pele, Taata, balekele babone kuti Nduwe Leza oyo ubamba Ijwi Lyako. Lino, ciyo tola kunji kwiinda ndime, Taata. Ciyo tola mbungano eyi mu kuzuminana komwe koonse. Ciyo tola lusyomo lwini kucicita. Pele Nda komba, Taata, kuti Uyo cipa nkambo ka bulemu bwa Leza, mu Zina lya Jesu. Amenii.

<sup>304</sup> Lino, beenzuma, mundando wa mipailo. Oh, Nda usa. [Mukwesu O'Donnell waamba, “Kozumanana ncobeni. Kuli kabotu.”—Mul.]

<sup>305</sup> Mundijatle kulilemeke kwangu, kwa kubotelwa, kupasaukide aa cikambaukilo. Nda—Nda kulomba kucicita. Pele Nda boola buyo kwiinda mu kulangalanga *Pre-Nicene Council*. Elyo Nda kabweza *Two Babylons* ya Hislop, a *Mbungano Ya Bazwamasi* lya kalembwa a Broadbent, *Pre-Nicene Council*, i *Nicene Council*, a *Post-Nicene Council*, *Nicene Fathers*, mukubona obo Muuya Uusalala mbo waka beenzya. Tiiba kajisi akwalo cipaililo mu mbungano yabo. Tiiba kajisi cintu mbuli cikozyanyo ca kapingano. I muna Katolika wa Roma waka zumanana a kayanza kabuzumini, a kapingano. Pele muna Orthodoxisi wini waka kkala cakusyomeka, kajisi mayake maniini ataka jisi cintu cita zibuye zigalangene. Elyo bakali kunga. . . Muntu umwi munaleza wakali kunga wapandulula Ijwi lya Leza, nkabela nguzu zya Leza zyakali kuwa. Niba tambika buyo maanza abo a kulumbaizya Leza. Ba kali kunga baamba a myaambo, a zitondezyo a zigambo zyakali kunga zya batobela. Iiyi, munene.

<sup>306</sup> Polycarp, Ignatius, Martin, Irenaeus, Columba, oh, ma, Justin, mbangaye banji bambi bantu banaleza beni banga tiiba lekela eco ku mbungano nokuceya, lubazu lwa Roma ilwa ncico.

Ba kakkala a katolika. Tuli ba katolika, ayalo, katolika ya buapostolo. Lino, *katolika* lyaamba “boonse munyika.”

307 Pele muna Katolika wa Roma waka njila mu kapingano a tuyanza twabuzumini, azimwi zimbi mbuli ezyo, a kuti, “Kutali Bbaibbele.” Ba, “Leza wakali mu mbungano Yakwe.”

308 Leza uli mu Ijwi Lyakwe. I Bbaibbele lyakati, “Ikuti na muntu umwi uyo gwisya na kuyungizya kufumbwa cintu kuli Ndilyo, nguonya uyo gusigwa, cibeela cakwe, kuzwa mu Bbuku lya Buumi.” Tu syoma buyo eco Leza nca kaamba, nkabela kwa mana. Lino, aboobo, tu cisyoma Mulumbe oyo.

309 Lino, kuli bantu baciswa awa sunumasiku. Nda kambauka kuli ndinywe, kuti Leza ulatondezya kutumwa Kwakwe. Mbo mbubo. Leza ula mamela Ijwi Lyakwe, ku Li simpikizya. I cintu buyo Nca sola kucita nku jana moyo oyo Ngwa konzya kunjila.

310 Lino, muta yeeyi kuti muyo cimanizya. Tamu kaciti. Sa inga mwayeeya i—i nswi niini kutandila kulampa kwa cisela ca inchi, okuya akati ka lwizi kulaale, kwaamba, “Ncibotu nda nywa maanzi aya cakucesya. Inga ndama ninwa”? Peepe nconzyo. Ee, inga to manizya nguzu zya Leza a bubotu bwa Leza. Inga ncobeni inga tocita, aboobo kojula buyo . . .

311 Yebo wati, “Ee, Nda katambula Muuya Uusalala.” Oh, kuli buyo—buyo . . .

312 I majulu oonse azwide Nguwo. Mwabona? Leza uli mukusola buyo . . . mbuli ii . . . Ikuti na coonse cakali, majulu oonse, akali paipi pati ncobeni lya kwiima, alimwi mwa kajisi lwanzi lomwe luniini. Walo usola kulundika . . . Ayo maanzi ayosola kuli sungilizya kuzwa eni. Eyo nje nzila Muuya Uusalala mbo uli mukusola kuli kakatizya Wini muli nduwe, mbuli boobo, mbuli boobo, kusola ku mubamba ku Ci syoma. Ndi lizi kuti obo Mbwini. Lino, Nda syoma kuti . . . Sena ba kapa . . .

313 Sena wavozya makkaadi aa mipailo? Ndiyo komba. Nda syoma wa kacita. [I bakwesu baamba, “Iyi.”—Mul.] Yaa. Mbobuti . . . Uli kuli? Inzi? Mundi jatile. Wani kusikaku fifite. Yaa. Ta tukonzyi kwiizunda yoonse aciindi comwe. Aboobo atwi imikile ndiza . . . Baa, eco cili kabotu, amwiime buyo nji, amweende buyo, ndiza mundando oyu muniini awa kujokela, kutegwa bakonzye kupusya aniini. Kuli ciboniboni ca maanzi, Nda syoma, kukkala alya, ikuti na muyo langilila. Yaa.

314 Atube a namba wani, tuu, thrii, foo, faivi, sikisi, seveni, eiti, naini, teeni. Aba ime. Mweelwe mutaanzi, nguni ujisi? Kkaadi lya mupailo lya mweelwe mutaanzi? Ndi kkaadi buyo lya mupailo lijisi mweelwe ali ndilyo. Mweelwe mutaanzi, wabili, watatu, wane, mbuli boobo. Mweelwe mutaanzi, kkaadi lya mipailo, nguni ujisi? Kuli cintucimwi cilubide ncobeni.

315 Ko caamba mu Spanish. Ino mweelwe nzi wa *wani*, mu Spanish? [Muntu umwi waamba, “Uno.”—Mul.] Uno. Uno, nguni uli jisi?

316 Namba wani? Waamba nzi? Yaa, mpoonya awa. Namba tuu, nguni ujisi? Namba thrii, foo, faivi, sikisi, seveni, eiti? Wani, tuu, thrii, amwiime buyo mpoonya *awa*. Tula panga mundando. Huh? Inzya. Kuli kabotu. Ncibotu. Eco cili kabotu. Yaa. Wani, tuu, thrii, foo, faivi, sikisi, seveni, eiti, naini, teeni. Aba boole. Amuboole kuzunguluka lubazu *olu*, ikuti na mula konzya.

317 Ikuti na to konzyi kutanta lino, tambika janza lyako. Tula bona kuti wasika awa. Tula bona. Muntuumwi uyo kubweza atala awa. Mwabona?

318 Sikisi, seveni, eiti, naini, teeni. Ileveni, twelufu, theetini, footini, fifitiini, sikisitiini, seveintiini, eitiini, naintiini, twenti. Aba boole, kuzwa kuli wani kusika ku twenti lino, amulyeendeleye atala *awa*. Yaa. Mbo mbubo.

319 Lino, ikuti na ujisi makkaadi ako, koboola, beenzuma. Muta—muta—muta kkali kusule, nkaambo ucenga muntuumwi umbi kuzwa kuli ncico, nywebo mwabona. Muta yoowi kuboola, ikuti na wa bweza kkaadi lyako. Koboola, ikuti na bakupa kkaadi.

320 Lino, mulombe uboola a makkaadi aya, lutaanzi. Ula ima awa a kwaasanganya, antoomwe, bali makumi osanwe na mwaanda, na kufumbwa nca cita. Ulaselemuka mu mundando, ulpa uli onse. Muntu omwe inga wajana “umwi,” umwi umbi “kkumi,” umwi umbi “fifite,” alimwi umwi umbi “makumi ali fuka,” mbuli boobo. Ta tuzi awo mpo babede. Boonse bali sabalangene. Eco cisiya mulombe aboobo tazi cintu. Mpawo, mulombe tazi awo Mpeyo ita, busiku obo. Nkaambo, mwabona, Ta ndizi, lwangu. Inga nda talika... Mbangaye bakali mu miswaangano kakutanaba, a kuziba kuti Ndi sotauka buyo koonse kwiinda muli ncico? Eco cili kabotu. Mwabona?

321 Aboobo, ziindi zinji, bantu bala yoowa kuboola, nkaambo zibi zyabo zila itwa awa. Lino, ikuti na wacita cintu cili coonse cilubide, nkabela to ciyandi kwiitwa, ncibotu wa tantamuka, kwa mana, nkaambo Uyo cicita ncobeni. Uh-huh. Mbangaye bazi obo kuba bwini? Iiyi, munene. Nincobeni mbwini. Lino, ikuti na wa—ikuti na wapegwa mulandu akuba kungsi lya cibi, baa, uta booli. Pele ikuti na toli obo, ikuti na uli kungsi lya Bulowa, koboola. Wabona? Yaa.

322 Lino, ncibotu, ee, tuyo talika buyo mpoonya awa a kubona awo mpo tukonzya kuunka.

323 Lino, mbangaye omuno bacisidwe, a kunjila nkabela tiiba jana kkaadi lya mipailo, kumukisya na cintucimwi? Amunyamune maanza anu, kuzunguluka koonse, ku buyake, ncibotu, uta jisi kkaadi lya mipailo.



<sup>324</sup> Lino, kwakali mwanakazi muniini wakainda mu bbunga. Ndiza taka jisi kkaadi lya mipailo, pele waa kaguma moombe wa cikobela Cakwe. Eco caka cicita. Yaa. Kaguma moombe wa cikobela Cakwe, nkabela waa kaponesegwa.

<sup>325</sup> Lino, nywebo kubusena kuya abo basyoma a moyo wanu oonse, nywebo nomu syoma ncobeni eci a moyo wanu oonse, koamba buyo kuti, “Mwami Jesu, Nda syoma eci a moyo wangu oonse, alimwi Ndiyo Ku zumina, a kusyoma kuti. . .Ndi lizi kuti Mukwesu Branham ta ndizi, na kuziba cintu cili coonse kujatikizya ndime. Elyo ikuti na Uyo ndilekela kuguma cikobela Cako!” Lino, Bbaibbele lyaamba. . .

<sup>326</sup> Lino, bakautaisi bayo peda bumboni kuli ceeci. I Bbaibbele lyaamba, kuti, “Jesu Kristo walo Mupaizi Mupati, ndyoonya lino, oyo ukonzya kugumwa kwiinda kukulimvwa kwa kulengauka kwesu.” Sa obo mbwini? “Ii Mupaizi Mupati ukonzya kugumwa kwiinda kukulimvwa kwa kulengauka kwesu.” Mbwa bedede, ndyoonya lino.

<sup>327</sup> Ee, mpawo, ikuti na Walo Mupaizi Mupati ukonzya kugumwa kwiinda kukulimvwa kwa kulengauka kwesu, mbobuti oyo Mupaizi Mupati mbwa kalilemeka cindi Na kagumwa? Ikuti na Ngu Jesu nguwenya oyo Mbwa kabede kaindi kuya, inga Wa cita nzila njiyona. Ta konzyi kucinca nzila Zyakwe. Ta konzyi.

<sup>328</sup> Ikuti na Wa kaamba kaindi okuya, “Ee, Nda kaba futula nkaambo ka ba Ndi syoma, pele sunu Ndiyo—Ndiyo—Ndiyo bafutula nkaambo bajisi mali manji,” Ta konzyi kucita ceeco.

<sup>329</sup> We elede kacili a kulanganya Kwakwe kutaanzi. Mwabona? Cindi Leza asola kubamba muzeezo, uli londokede. Ta cikonzyi kucinewa, limbi. Leza tacinci mabambe Akwe, mwabona, aboobo ikuti na Walo Mupaizi Mupati oyo ukonzya kugumwa kwiinda kukulimvwa kwa kulengauka kwesu, nkabela wa Mu guma a lusyomo lwako. . .

<sup>330</sup> Lino, Ta jisi maanza ali oonse aa nyika cita angu a ako. Sa mbo mbubo? “Ndili Musaansa; nywebo muli mitabi.” Lino, Musaansa tauzyali micelo, embo na? I mitabi njii zyala micelo. Aboobo Musaansa ula cikwelelezya buyo mutabi, pele, nywebo mwabona, mutabi. . . I Musaansa tau bambidwe, mwabona, Uli mu Bulemu, Walo Muuya Uusalala, lino, Tazyali micelo, pele Ula kupa nguzu kuli nduwe a Ndime, kuti inga twa mvwisya umwi aumwi, kwiinda mu majwi, kuti Ula kanana kwiinda muli ndiswe a kucita mulimo Wakwe, kusimpikizya kutumwa oko nko tutumwa kucita. Mwa cimvwisya lino, nyoonse? [Mbunga yaamba, “Ameni.”—Mul.]

<sup>331</sup> Lino amukombe, alimwi mwaamba kuti, “Mwami Jesu, Ndiyo syoma eci a—a moyo wangu oonse. Ndiyo—Ndiyo—Ndiyo cisyoma ncobeni a coonse eco cili muli ndime. Elyo Nda syoma kuti Uyo—uyo ndibamba kuba kabotu. Elyo Ndiyo, a

moyo wangu oonse, kusola kuguma moombe wa cikobela Cako, kusyoma kuti Uyo ndibamba kuba kabotu,” lino, amu syome buyo kuti, “na umwi uyandwa.”

332 Lino, Ndiyo mubuzya. A nzi. . .Lino, mulizi kuti Ndili wa pentekoste. Nda—Nda syoma mu koongolola, kulumbaizya Mwami. Pele Ndiyo kulomba kucita ceeci. Lino, cindi twa boola, Ndi yanda kuti ubatama buyo mbuli mbo konzya. Lino, kolisisa buyo lwako lino. Ko tantamuna kuzumbauzya kwako koonse, a kwaamba buyo kuti, “Lino, Mwami, kondi gwasya.” Leza uyo cicita, ikuti na muyo cisyoma buyo.

333 Lino, lino, mpaawa kwiimvwi mwanakazi. Nsena mubwene mu buumi bwangu.

334 Lino, kufumbwa oyo uli ali ceeci *awa*. Ziindizimwi Ta ndizi eco Nce wamba; ikuti na cila ndijata, calo ncilengaano. Lino ikuti na mwa. . .Sa mula konzya kundimvwa kabotu lino? Yaa. Lino amubatame buyo maningi.

335 Lino, mpaawa kwiimvwi mwanakazi. Lino, nceeci cifwanikiso cibotu ca Bbaibbele. Tuli beenzu kuli umwi aumwi. Nse kuzi. Lino, inga wandiziba, kwiinda mukuziba kuti Ndili Mukwesu Branham. Pele Nse kuzi, kwiinda kunzila ili yoonse.

336 Lino, eci ncifwanikiso mbuli mbo cakabede mu Musalali Johane 4. Jesu waka swaana mwanakazi oyo Ngwa takalina bwene, nape taakwe naka Mu ziba. Waa kalizi kuti Wa kali mu Juda, pele nku koonse nkwa kazi. Elyo mpawo Jesu wakaambaula ku mwanakazi oyu kaindi kaniini. Ncinzi Nca kali kucita? Wa kali kukwaba muuya wakwe. Mwabona?

337 Wa kali kuyandikana kwiinda ku Samaria. Elyo mbuli Mbwa kainda ku Samaria, Wa kaswaana mwanakazi oyu. Nkaambonzi? I Taata waka Mu sololela ku Samaria. “Koya kutala ku Samaria.”

338 Ta kazi cakucita. Oyu mwanakazi wakazwa. Wa kayeeya, “Ndiza eci ncencico Taata nca yanda.” Nkaambo, Wa kati. . .

339 Nakamana kuponya muntu ku i. . .oyo waka jisi mulema, kutali mulema, pele Ndi yeeyela kuti kwayanda wakajisi bulwazi bwakata jisi meenda. Mu Musalali Johane 5, cipati citobela, Nda syoma mbo cibede. Wa kainda ku ciziba ca Betisaida, elyo mpaawo kwa kalede muntu oyo wakali mulema kwa myaka misyoonto, kajisi bukompami. Lino, wa kali kukonzya kweenda. Pele Angelo wakaseluka a kupenta ciziba. Nywebo bakwesu mulizi awo Mpe kanana. Elyo mpawo Jesu wakasika ambali, a kuti, wa kati, kujatikizya kwiinka ku ciziba, wa kati, “Nse jisi umwi waku ndigwasya. Umwi inga wacita kabotu kwiinda ndime. Ula konzya kundiuma ku ciziba,” mu majwi amwi.

340 Wa kati, “Kobweza bulo bwako a kunjila mu ng’anda yako.” Wa kabweza bulo bwakwe a kuzumanana.

341 Lino, Jesu taka ponya umwi umbi wabo, alimwi kwakali makamu manji, zyuulu. Nkaambonzi Nca taka cicita? Kuli umwi wa mbunga, wa ndiswe to bakutausi. Ii Leza uuzwide luse. Sa mbo mbubo? Makamu aa balema, boofu, basunkuta, bayuminide mibili, misyobo yoonse ya bantu. Sena Bbaibbele lya kaamba boobo, bakwesu? Elyo Wa kaunka nkoonya ku muntu omwe oyo waka jisi bukompami. Ta kali moofu. Wa kali kukonzya kweenda. Kwayanda waka jisi penzi lya subilo. Kwayanda waka jisi heredi TB. Tii lyakali kuyo mujaya. Wa kali cijisi myaka ili makumi obilo alusele, nkabela tii cakali kuyo mujaya. Elyo Wa kaunka ku muntu oyo. Nkaambonzi? Mpawo, kaponya buyo eco, a kuzwa.

342 Ino kuti Wa sika ku Tempe sunumasiku a kucita ceeco? Inga ba Mu jana butongo mpoonya awo. Mbo mbubo, bakwesu? Inga ba Mu jana butongo. Pele, amuyeeye, Jesu wakalizi muntu a kuziba kuti wakali mu ciimo eco ciindi eci coonse. Sa eco Nca kaamba?

343 Lino, cindi ba Juda niba kajana muntu oyu, wa kabaambila kuti Nguni waka cicita. Ba kajana Jesu nkabela baka Mu buzya. Muyeeya kuti inga ba Mu buzya sunumasiku? Masimpe.

344 Ino Wa kaamba nzi? “Ncobeni, ncobeni, Nda mwaambila, I Mwana takonzyi kucita cintu muli Lwakwe, pele eco Nca bona Taata kacita: eco Mwana nca cita nciconya.” Sa mbo mbubo? Mpawo, kweendelana ku Ijwi Lyakwe mwini, Ta kacita cintu kusikila Leza waka Mu tondezya mu cilengaano eco cakucita.

345 Amuyeeye Eliya, mu nkambauko yesu sunumasiku? “Nda cita koonse oku ku kulailila Kwako.” Kufumbwa musinsimi wa Mwami uunka biyo mbuli Mwami mbwa musololela.

346 Lino atu cikozyanisye. Lino, Kristo walo Muuya Uusalala uli omuno lino. Lino, Nda syoma kuti Nda kalimvwa kusololelwa kusika ku Arizona. Jesu wakalimvwa kusololelwa, wakali kuyandikana kwiinda ku Samaria. Nda limvwa kusololelwa kuba a mulimo wakuponya ku Tempe sunumasiku, nse jisi omwe atala awa. Ta ndizi kaambo.

347 Ee, wa citika kuba muntu mutaanzi atala awa. Mpaawo we, Musalali Johane 4, ncobeni alubo. Nse kuzi. To ndizi. Nse zyi cintu comwe. Inga koli sizibi. Inga koli sikuupaupa. Inga koli mu mamambi. Inga koli musalali munaleza. Inga wa ciswa. Inga ko iminina muntuumwi umbi. Inga kojisi mapenzi azyamali. Ta ndizi nco mujisi. Ta ndizi cintu kujatikizya ndinywe. Lino, mbo mbubo, Ta ndizi. Lino, ikuti na Ndili mweenzu, kutegwa sikutasyoma umwi akonzye kukkala muni, tambika janza lyako, ikuti na mbo tubede, ikuti na obo—obo mbwini. Mwabona? Lino, ikuti na Muuya Uusalala...mu kukwaba muuya wakwe.

348 Lino, toonse tu liimvwi awa, mwaalumi a mwanakazi, mbuli buyo mbo bakabede. Elyo Jesu waka kanana kuli nguwe kusikila

Wa kajana eco cakalubide kuli nguwe. Sa mbo mbubo? Lino, boonse bazi kuti obo mbwini, amwaambe, “Ameni.” [Mbunga yaamba, “Ameni.”—Mul.] Wa kajana lyakali penzi lyakwe, nkabela Wa kamwaambila lyakali penzi lyakwe.

<sup>349</sup> Elyo waa kati, “Munene, We elede kuba musinsimi.” Mwabona, tiiba kajisi basinsimi kutandila myaka ili myaanda yone. Waa kati, “We elede kuba musinsimi. Lino, tu lizi kuti cindi Mesiya akuboola, eci ciyooba citondezyo ca Mesiya. Uyo twaambila zintu zyoonse.” Sa mbo mbubo?

Ee, Jesu wakati, “Ndime Oyo ukanana.”

<sup>350</sup> Lino, ikuti na eco cakali citondezyo ca Mesiya kaindi, alimwi Ngu mbobuca nguwenya, sunu, amuya myaaka; biyo, mu ciimo ca Muuya Uusalala, kubelesya mubili wangu, muuya wangu mbuli Mbwe cipa kuli Nguwe, alimwi inga wa ndaambila awo penzi lyako mpo libede, inga waziba naa cakali luleme na pe, nkaambo uli kamboni wa ceeco. Lino, ikuti na . . .

<sup>351</sup> Ikuti na Nda jisi mulimo wakuponya, Nda boola, kati, “Bulemu kuli Leza! Kuciswa, mucizi?”

“Iiyi. Ndi jisi TB”

<sup>352</sup> “Bulemu kuli Leza!” Kabikka maanza ali nduwe. “Aleluya! Tambula kuponesegwa kwako.”

<sup>353</sup> Lino, bakwesu banji babotu, mbuli Mukwesu Oral Roberts a bamwi, balo mbantu beni ba Leza. Eco nce cipego cabo. Ba lati, “Bulemu kuli Leza! Nda cisyoma. Yebo?”

“Iiyi.”

<sup>354</sup> Nda syoma inga waba kabotu. Masimpe, Nda syoma obo. Iiyi, munene. Nda syoma. Inga waunka ku mweembeli wako, ikuti na uli Munakristo, na kufumbwa mbuli eco, Nda syoma inga wa—inga wa cicita.

<sup>355</sup> Pele lino ino kuti Wa boola a ku kwaambila cintucimwi eco nco kacita. Lino, inga waziba naa obo mbwini na pe. Elyo ikuti na Ula konzya ku kwaambila eco caka citwa, masimpe inga wasyoma ikuti na inga Wa kwaambila eco ciyo citwa. Sa mbo mbubo? [I mucizi waamba, “Mbubo.”—Mul.]

<sup>356</sup> Lino, mbangaye basyoma kuti obo inga bwaba bumboni, ikuti na Wa cicita, kuti Ngu Jesu Kristo Mesiya, mbobuca nguwenya, sunu, amuya myaaka? Lino, amuyeeye, kutali ndime. Peepe. Ndili mbuli maikrofooni eyi, mbotu ilondokede. Mbobuti Mbwe konzya kuziba? Nda kalyaambilila kuli ndinywe, a kuli nguwe, a kuli umwi aumwi, ta tuciti, ta tuna bonana umwi aumwi. Aboobo ciyo tola nguzu kuzwa kubusena bumwi.

<sup>357</sup> Lino, inga mwasyoma mbuli bamwi babo mbo bakacita, a kwaamba, “Uli Mwana wa Leza, Mwaami wa Israyeli.” Na, inga wati, “Humu. Ngu dyabulosi, musondi, musyobo umwi wa muuya mubi.” Mpawo, eco cili akati kanu a Leza. Mwabona?

Lino, lino, eco cili kuli ndinywe, kubeteka Ceeco. Mwabona? Citola buyo kulanganya kwako kuli Ncico.

<sup>358</sup> Pele, kuli ndime, ngu Jesu Kristo. Sa, kuli ndime, nkaambo cisyomezyo Cakwe. Elyo lino ikuti na Wa kapanga cisyomezyo a kundi lailila, akundipa zitondezyo. . .

<sup>359</sup> Elyo myaka minji yainda, Nda kali mukati muno a ndinywe no bantu, elyo Wa kandipa citondezyo, ikuti na inga wabikka janza lyako aali lyangu. Mbangaye bayeeya eco? [Mbunga yaamba, "Ameni."—Mul.] Mpawo inga Nda mwaambila, ikuti na inga Nda zumanana kwa maminiti masyoonto. Ne taba a kweendelezya, pele kwaamba kuti ujisi ii—ii cikoto na kufumbwa mbo cakabede. Cakali londokede. Sa mbo mbubo?

<sup>360</sup> Elyo Nda kamwaambila, kuti Wa kandaambila, "Ikuti na Nda batama a kusyoma, a kukkala cakwaanguluka," alimwi, oko nku, kutali kuunka kuyokokola mali. Elyo Nse kabweza mulumbo mu buumi bwangu. Mwabona? Elyo zintuzyonse, "A kupona cabwini kuli Nguwe, kuti ciyo citika, kuti, cindi Ne kaambila bantu maseseke ngaonya aa moyo wabo, cintu cimbi." Taba konzyi kukaka eco. Mwabona? Mwabona? Mula ndiyeeya nkesinsima ceeco? [Mbunga yaamba, "Ameni."—Mul.] Lino caboola kucitika. Mwabona?

<sup>361</sup> Lino, lino amubatame buyo. Nywebo mwati, "Ino ulindila nzi, Mukwesu Branham?" Nkambo Walo. Nse muzi mwanakazi oyo. Ikuti na Ta ndi nanike, Nse konzyi kucicita. Kwa mana buyo.

<sup>362</sup> Mbangaye bakasola kubona cifoto ca Angelo oyo wa Mwami, oyo Mulilo, Musumpululu wabbalabbala? Ba Ci bweza, bali cijisi koonse ku inyika lino. Cili mu Washington, DC, mu hoolo ya bukombi iya arti. Cilenge Cilikke cigambyakwiinda cakasolwa kutondezegwa munzila yasayaansi.

Ndiyo ambaula buyo kuli ndinywe aniini, kukwabana.

<sup>363</sup> Iiyi. Alumbwe Mwami. Uh-huh. Nceeci We. Uh-huh. Nse konzyi ku mwaambila nzila Mbwe ciziba, pele Ndi lizi kuti Uli mpoonya awa lino. Mwabona? Mbo mbubo. Cili mpoonya awa lino. Kulumbwe ku Mwami. Mwabona? Nceeci We lino.

<sup>364</sup> Ujisi bulwazi bwa lukanda obo mbo yanda kuti ndikombele. Ikuti na mbo mbubo, tambika janza lyako. Lino, sena ula syoma eco a moyo wako oonse?

<sup>365</sup> Lino, inga waamba kuti Nda yeeyela eco. Mwabona? Lino amulangilile a kubona ikuti na twa ciyeeyela. Mwabona? Amubatame ncobeni. Walo uboneka kuba muntu mubotu.

<sup>366</sup> Lino, ndyoonya lino tii Nda konzya ku mwaambila eco nce Nda kamwaambila, lutaanzi. Lino, aniini buyo. Iiyi, bulwazi bwa lukanda, mbo jisi. Kali cijisi kwa ciindi cimwi. Akwalo waka kombelwa, nkambo ka ncico. Mpawo, ujisi cintucimwi cilubide ku lubazu lwako. Mbo mbubo. Ca kacitya ku ntenda ya mootokala. Ngu MBUBOObU MBWAAMBA I MWAMI. Lino

mula syoma, embo na? Mu Zina Iya Mwami Jesu Kristo, Nda lombela kuponesegwa. Amen. Koya, kosyoma.

<sup>367</sup> Sena mula syoma kuti Ngu mbobuca nguwenya, Mimuni yaku mangolezya ya Muuya Uusalala?

<sup>368</sup> Wapona buti? Yebo a Ndime tatuzibene, ciindi citaanzi ca muswaangano wesu. Ikuti na Nda konzya kukuponya, inga Nda cita. Ndi iminina biyo Musilisi, mbuli mwiiminizi mbwa kalailila, kukombela kusimpikizya Kwakwe. Pele ikuti na Leza uyo ndaambila kaambo ncoli waano, ula ndisyoma kuba musinsimi Wakwe, na mulanda Wakwe? Uyo cisyoma?

<sup>369</sup> Cintu comwe, ncimvule cizunguluka nduwe, citondezya kuti uciswa cilwazi ca kulibilika, kunyongana kwakuyeeya, ciimo cakulibilika. Bala indila kubija ku mangolezya mbuli zuba mbolitalika kuba. Mbo mbubo. Mpawo, cintu cimbi, ujisi cikoto eco nco libilika. Ula syoma na kuti Leza inga wandaambila awo cikoto eco mpo cibede? Cili aa lukolo luli kabotu. Sa eco? Sena mula syoma lino? Lino, kuli Cintucimwi ali ndime, caamba ceeco, mukuziba ceeco. Sa mbo mbubo? Mula Ci syoma kuba Leza? Mpawo Jesu wakati, “Ezi zitondezyo ziyo batobela abo basyoma: ikuti na babikka maanza abo aa balwazi, bayo pona.” Leza amu longezye. Amen.

Koba a lusyomo. Uta zumbauzyi. Kosyoma buyo a coonse cili muli nduwe.

<sup>370</sup> M untu muniini awo usamide tai wa myeengo, koleka buyo kulibilika. Eco coondamazwi ciyo kuleka, ikuti na wa cisyoma buyo a moyo wako oonse. Mwabona? Wa kali kkede alya, kalindila ceeco, embo na? Elyo to jisi kkaadi Iya mipailo. To yandikani Iyomwe. Ko cisyoma buyo.

<sup>371</sup> Mwabona, lusyomo lwakwe lwaka guma Cintucimwi. Nywebo mulizi kuti muntu taka ndiguma. Uli tukokola tuli makumi obile kuzwa kuli ndime. Sa mbo mbubo? Pele ino wa guma nzi? I Mupaizi Mupati.

<sup>372</sup> Nda kalanga awa ku mwanakazi *oyu*, kwakali mwaalumi. Nda kalanga, wa kali mwaalumi. Nda kati, “Ta cikonyi. Kuli. . . Oyo mwanakazi.” Nda kalanga, ngooyo mwaalumi. Nda kalangilila Mumuni oyo, oyo ulengelela *awa*, kainka kuya a kujatilila kuli nguwe. Nda kamubona kasola kuzwa mu bulo, mbuli boobo. Nce ncico. Mwabona? Ngooyo mbwa bede. Abe bumboni. Sa mbo mbubo? Wa kali kkede, kakombela ceeco. Sa mbo mbubo? Kosyoma a moyo wako oonse lino, nkabela uyooba kabotu.

<sup>373</sup> Aboobo, “Ikuti na mwakonzya kusyoma, zintu zyoonse zilakonzeka.” Amube buyo a lusyomo. Lino amubatame ncobeni.

<sup>374</sup> Amu ndijatile. Nda kali kulangilila Mumuni, kweendeenda koonse, kwiinda mu buyake. Nda—Nda kali kulangilila buyo, mwabona.

<sup>375</sup> Lino Ndi yanda kwaambaula kuli ndinywe kwa kaindi kanini. Boneka mbuli muntu mubotu, kuli ndime. Tuli beenzu kuli umwi aumwi. [I mucizi waamba, “Iiyi, munene.”—Mul.] I Mwami ulizi mapenzi ako. Uli ndizi, uli kuzi. Tuli mwaalumi a mwanakazi, baimvwi awa muswaangano, ciindi cesu citaanzi. A Muuya, uli Munakristo, alimwi—alimwi Nda konzya kumvwa kunzwiima kwakali a muuya wako, nywebo mulizi, kweenda buyo. Elyo Ndi lizi toli sikulombelela kutanta myoota. Uli Munakristo, yebo wabona. Aboobo mpawo nce ncico Nce wamba, *sikulombelela* kutanta myoota, nkusotoka buyo kuzwa ku busena kuyaku busena, nywebo mulizi. Wa kazyalululwa, wabona, uli Munakristo wini. Nda konzya kulimvwa kuti uli tambwidwe, nywebo mwabona. Elyo Muuya Uusalala awa ulatambula muuya oyo, nkaambo walo muuya uukozyenye. Mwabona? Tuli mukwesu a mucizi. Toli waano kuli lwako. Wili iminina muntuumwi umbi. Ii mweenzuma wako uciswa cilwazi ca madaimona. Ula syoma obo? [“Ndi lizi.”] Bikka katambala aali mbabo a kuta zumbauzya, ciyo basiya. Leza amu longezye.

Koba a lusyomo muli Leza. Kosyoma buyo a moyo wako oonse.

Wapona buti, mulindu? Tuli beenzu kuli umwi aumwi.

<sup>376</sup> Lino, muntuumwi, kubusenabumwi. Leza, ino cakali kuli? Kubusena bumwi mu bbunga, muntuumwi, cintucimwi cakacitika. “Mbobuti mbo cizyi, Mukwesu Branham?” Ee, Ndi cizi buyo. Mwabona? Mwabona? Cili mbuli kusomona buumi ncobeni kuzwa kuli ndinywe, nywebo mwabona. Cintucimwi cakacitika. Muntuumwi waponesegwa kubusena bumwi. Ta ndizi awo mpo cakabede, pele ndiza Uyo nditondezya alubo.

<sup>377</sup> Tuli beenzu kuli umwi aumwi, mulindu. Nse kuzi, pele Leza uli kuzi. Uli waano ku bukanze bumwi, ndiza ku muntuumwi umbi, ndiza camali, kung’anda. Kufumbwa mbocibede, Leza inga wandaambila. Sa ula cisyoma? Uyo ziba ikuti na mbwini. Bamba muntu mukubusyi kuboola awa, cilengaano capasaukila muntu mukubusyi. Lino, ula syoma a moyo wako oonse, nkabela Leza uyo cipa. Mwabona? Ikuti na Nda konzya ku kwaambila, ulizi ikuti na Nse kuzi, ciyo elela kuzwa ku nguzu zimwi zigambyakwiinda.

<sup>378</sup> Amuyeeye nkambauko yangu sunumasiku, eco Nce kanana? [I mucizi waamba, “Iiyi.”—Mul.] Lino, amulange. Antela, ikuti na Nda yanda, mbuli oyo Angelo wakafutatila Wakwe. Lino, ino kuti Nda futata sule lyangu, mbuli *boobu*, oko nkobede. Mwabona? Yaa. Lino, koamba buyo—buyo ku Mwami Jesu, “O Leza,” buyo mu moyo wako, “kuyubununa ku Mukwesu Branham eco Nceli waano, na cintucimwi kujatikizya ndime,” a kubona ikuti na Ula cita.

<sup>379</sup> Iiyi. Nda konzya kubona mwanakazi ndyoonya lino. Walo uciswa penzi lya mala. Mbo mbubo. Ula komena mu matumbo.

Nca bwini. Muka. Cathan, inga waunka ku muunzi lino a kuba kabotu, ikuti na uyo cisyoma a moyo wako oonse. Koya akusyoma, mu nzila yako. Ko cisyoma.

<sup>380</sup> Mula syoma? Amube a lusyomo. Sena mula mvwisya kuti nguonya Leza wakalemba Bbaibbele uli mukweenda mu mbungano eyi niini ibombede awa sunumasiku, mu muswaangano oyu okuno?

<sup>381</sup> Lino, tuli beenzu kuli umwi aumwi, aswebo, mudaala. Nse kuzi, nsena kubwene mu buumi bwangu. Tuli beenzu ncobeni. Lino, cindibamba kukompama, nobantu. Cili ii . . .

<sup>382</sup> U lya mulindu uukkede alya uciswa penzi lya kutainka kusokwe, uukkede kuba wabili kumbele kuzwa kusule, nkoonya ku lubazu lwa muncali oyo awo. Wa kali nduwe, kaindi kainda, wali atala awa. Ikuti na wasyoma a moyo wako oonse, kuyo kusiya.

<sup>383</sup> Ino kujatikizya muvwanda oyo ujisi cikoolo eco? Ula syoma na kuti Leza uyo muponya? Mpaawo we. Bulemu! I dyabulosi waka sweekelwa eco. Wa kacita. Leza aku longezeye, mucizi, mukwesu. Koba a lusyomo muli Leza. Nku koonse nkoyanda. Kuyo siya muvwanda. Muta lubi.

<sup>384</sup> Ino baka guma nzi? Ino oyo mulindu waguma nzi, ku muvwanda wakwe? Ta ndizi bantu abo, nsena babona mu buumi bwangu.

<sup>385</sup> Ikuti na tuli beenzu kuli umwi aumwi, amutambike maanza anu okuya, nobantu, okuya awo mpo cibede, kuti, mulindu, tambika janza lyako. Mbo mbubo.

<sup>386</sup> Waa kaliimvwi alya, kakombela muvwanda oyo. Elyo Muuya Uusalala waka zumanana kweenda omuya, abusena bumwi. Elyo Nda kabona awo mpo cakabede, elyo Nda kabona muvwanda muniini kajisi—a ciimo eco. Ngooyo mbwabede.

<sup>387</sup> I muvwanda uyooba kabotu, mucizi. Uta pengi. Nkaambonzi? Walo Mumuni wini kuzunguluka okuya lino. Ndi lizi kuti Leza wakaingula. Mwabona? Kuyo siya muvwanda. Ndi lizi ciyooba kabotu. Inzya.

<sup>388</sup> Ci boola buyo koonse, kuzwa ku bbunga lino. Cili, to konzyi ku cisaluuzya. Cili buyo koonse. Amu Ci pede bumboni. Sena mula syoma kunji lino kwiinda mbo mwasyoma kaindi kainda? [Mbunga yaamba, “Ameni.”—Mul.] Masimpe. Nywebo mwabona Cili ii . . . Inga cacitika kuli umwi aumwi wanu ikuti na mula cisyoma buyo. Mwabona? Amu cisyome buyo.

<sup>389</sup> Mundi jatile, mudaala. Nse—Nse—Nse cita . . . Yebo ulizi, Nse kakilidwe kulijata pe. Pele Ndi buyo . . . Nda kompama loko. Elyo Nda buyo . . .

<sup>390</sup> Jesu, mwanakazi omwe waka guma cikobela Cakwe, nkabela Wa kati, “Nda mvwa kuti nguzu zyazwa,” ezyo, ni nsana. Elyo



ikuti na Walo, Mwana wa Leza, ino kujatikizya ndime, sizibi wakafutulwa ku luzyalo?

<sup>391</sup> Lino, ngooyu muntu. Aci citike ku muntu oyu. Mpawo sa nyoonse muyo syoma? Kufumbwa muntu ulizi muntu oyu? Sa kuli muntu uuzi mwaalumi, abusena awa? Oh, iiyi, munene. Yaa. Lino, nywebo mulizi. Atu bone naa Kuli luleme na pe. I mwaalumi mweenzu ncobeni. Nsena mubwene mu buumi bwangu.

<sup>392</sup> Tuli beenzu ncobeni kuli umwi aumwi. Pele Muuya Uusalala inga wandi yubunwida eco ncoli waano, na eco nco yanda, na cintucimwi kujatikizya nduwe, eco ncozi, kuti Ndi lizi kuteeti Nse zyi cintu, mpawo eco inga cakulamya kuti inga caba Muuya Uusalala.

<sup>393</sup> Sa inga calamy ndinywe nyoonse, a kuziba kuti Muuya Uusalala nguwenya uuli ano uli kubusena kuya, awalo, muli ndiswe toonse?

<sup>394</sup> Penzi lyako ndi penzi lyaku muzindo. Calo ncikoto mu muzindo. Kuli muntuumwi umbi awa ukomba ceeco, walo mukaintu wako okuya. Uli mukuba a kuciswa mitwe, ciindi coonse. Mbo mbubo. Uli jisi mwana okuya, awalo. Mbo mbubo. Ula syoma na kuti Leza inga wandaambila cilubide ku mwana oyo? [I mukwesu waamba, “Iiyi.”—Mul.] Ncilwazi ca bulowa. Ula syoma na kuti Leza inga wandaambila zina lyako? [“Iiyi.”] Sa inga wandi syoma? Uli mukutausi. [“Iiyi.”] Nduwe Muf. Ba. Mann. [“Iiyi.”] Koya ku muunzi, koba kabotu.

<sup>395</sup> Ula syoma a moyo wako oonse? Lumbaizya buyo Leza.

<sup>396</sup> Sena ula syoma, mulindu, a moyo wako oonse, ukkede awo? Sena ula syoma? Koya, ukalye cilalilo cako. Penzi lyako lya mwida lila kuleka, nkabela uyooba kabotu.

<sup>397</sup> Penzi lyako lya musana lyazwa akwalo, mucizi, kutegwa ukonzye buyo kuunka kulanduka kaanda, a kusyoma a moyo wako oonse kuti Leza uyo kubamba kuba kabotu. Ula cisyoma? [I mucizi waamba, “Iiyi.”—Mul.] Koya buyo, koongolola, a kwaamba, “Alumbwe Mwami!” Ncibotu, a moyo wako oonse.

<sup>398</sup> Kulibilika ncintu cibyaabi, pele Leza inga wa kuponya. Sena ula syoma obo? Koya buyo, kosekelela, koamba, “Ndaku Lumba, Mwami.” Leza ula cibamba kuba kabotu.

<sup>399</sup> Mwida mwakaindi mula kupenzya? Koya, ukalye, Jesu Kristo wakubamba kuba kabotu. Koba a lusyomo.

Musana wako ula kupenzya. Embo na? [I muntu waamba, “Iiyi.”—Mul.] Koya, kosyoma. Jesu Kristo wakubamba kuba kabotu. Koba a lusyomo.

<sup>400</sup> Kulibilika? Syoma Leza uyo kuponya? [I muntu waamba, “Iiyi.”—Mul.] Koya, aponesegwe mu Zina lya Jesu.

<sup>401</sup> Mwabona eco Nce pandulula? Sa Jesu Kristo tali mbobuca nguwenya, sunu, amuya myaaka?

<sup>402</sup> Lino, Jesu wakati, “Oyo usyoma Ndime, milimo Nje cita uyo icita awalo.” Sa mbo mbubo? Lino, sena Jesu wakaamba eci: “Ezi zitondezyo ziyo batobela abo basyoma”? Mbangaye basyomi baliko? Yaa.

<sup>403</sup> Mbangaye bayanda kuponesegwa? Amu tambike maanza anu. Mpawo amubikke maanza ali umwi aumwi. Muli basyomi. Mbo mbubo. Ula bamba Ijwi Lyakwe. Sena mula cisyoma? Ikuti na uyo cisyoma, uyo bona cintucimwi cacitika eco ncotana bwene kale, ikuti na uyo cisyoma.

<sup>404</sup> Lino amu kotamike mitwe yanu. Amubikke...Muta likombeli nobeni, amu kombele muntu ngo bikkide maanza. Amukombe lino, cakusinizya. Amusyome, cakusinizya. Amubikke maanza anu aa muntuumwi a kukomba. Lino Ndiyo komba, awa.

<sup>405</sup> Taata Wakujulu, twa boola mu Zina lya Mwami Jesu. Twa boola nkaambo kakuti Ijwi Lyako lya simpikizigwa. I kutumwa kwa simpikizigwa. Jesu Kristo, Mwana wa Leza, uli mu busyu bwesu, mu ciimo ca Muuya Uusalala. O Leza, aba mbantu Bako. Bala ciswa. Saatani wa baanga. Ba lizi kuti Uli waano. I kusimpikizigwa kwa Busyu Bwako buli ano, Jesu Kristo, mbobuca nguwenya, sunu, amuya myaaka.

<sup>406</sup> Saatani, wa sweekelwa nkondo. Kozwa kuli mbabo, Saatani, mu Zina lya Jesu Kristo. Nda kulailila kuti uzwe mu bbunga eli a kuzwa mu bantu aba, kutegwa baanguluke, mu Zina lya Jesu Kristo.

<sup>407</sup> Ikuti na mula cisyoma, amwiime ku matende anu a kulumbaizya Leza. Oyo ngo muzeezo. Nce ncico. Amutambike maanza anu aku Mu lumbaizya. Kusimpikizigwa! Mulyambilile akusyoma nkabela kuponesegwa kwanu kulasika. 🐦

62-0122 Kusimpikizigwa Kwa Kutumwa  
Assemblisi Ya Leza  
Tempe, Arizona U.S.A.

CHITONGA

©2024 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu cianza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)